



1928



3 0528 0430 3



001197

國立北平圖書館藏



袁世凱



2

形
之
又
後



馮國璋



4

徐世昌



5

曹錕

中華民國五大總統大事記目錄

卷一

第一章 開宗明義袁世凱筮仕前清之時代

第二章 武昌起義袁世凱推倒滿族之時代

卷二

第三章 二次革命袁世凱正式總統之時代

第四章 雲南反抗袁世凱製造洪憲之時代

第五章 張勳復辟黎元洪進退維谷之時代

卷三

第六章 安福成立馮國璋代理期滿之時代

第七章 直皖作戰徐世昌得意自鳴之時代

第八章 直奉交兵徐世昌興盡悲來之時代

五大總統大事記 目錄

857.48
598

五大總統大事記 目錄

二

卷四

第九章 元首復位黎元洪被劫索印之時代

第十章 賄選告成曹錕監禁白宮之時代

中華民國五大總統大事記

第一章 開宗明義袁世凱筮士前清之時代

民國肇造。十有三年。北京政府。歷六總統。而南京總統不與焉。夫此六人之心術幹略豈漫無區別哉。試卽其生平之事蹟而妄爲評之。曰袁世凱¹毒辣。黎元洪²寬厚。馮國璋³和緩。徐世昌⁴敏活。曹錕⁵昏庸。論其資格袁爲前清督撫宰相。徐爲翰苑詞林。亦出督東省。入贊軍機。選爲民國總統。誰曰非宜。而黎馮二人。雖不及袁徐之顯貴。亦爲畢業學生。戰功卓著。一旦被選。尙爲衆望所歸。獨曹錕市儈之流耳。其爲總統賄選成功。實爲民國污點。譬諸戲場。袁爲奸花臉。黎爲正鬚生。馮爲武馬生。徐爲花彩旦。曹爲小丑末。有如許之超等藝員。故其登中華大舞臺上。各演其拿手之好戲也。開幕之初。第一齣新劇。袁元紅先演。袁字慰庭。河南陳州府項城縣人

故稱袁項城。父名保中。母程氏。側室耳。咸豐八年八月二十日。生。其叔父保慶無子。撫以爲嗣。兄弟六人。伊行四。其父官侍郎。累遷至雲貴總督。四世皆陞顯職。故袁氏世爲項城大族。袁幼時在鄉黨間。驕豪自任。無所拘束。其交友。商賈屠販無所擇。父老兄弟咸厭之。即此可見其爲人。光緒二年五年應鄉試者再。俱不第。乃慨然曰。丈夫安能屑屑於場屋間耶。以平昔所作詩文。付諸一炬。慶軍吳統領長慶。任山東海防。夙知袁之才。於是調赴登州幕中。委以營務會辦。及日本與朝鮮構難。署理北洋大臣張樹聲。傳檄吳長慶。借名鎮壓朝鮮內亂。使率兵赴朝鮮。袁自荐。願爲前驅。吳大喜。遂荐袁爲援韓之先鋒。率兵二百名。先發過往。吳率陸軍後至。未幾。日本與朝鮮政府續訂敦交條約。袁甚不喜。至光緒十年春。清與法國失和。召還吳提督。仍留三營守韓京。吳荐袁于

直督李鴻章。稱其才略軼羣。使之總理駐兵。李知袁之名實始此。李與總理醇王善。醇王奏請以袁留朝任欽差大臣。奉旨賞以道員。並加二品銜。光緒二十年五月東學黨起事於金羅。進逼京城。朝廷請救於袁。袁即報李鴻章。李使直隸提督葉志超。收精兵三千赴朝。太原鎮總兵聶士成爲之副。六月十一達牙山。別調派三艦碇泊仁川海六月十四日。二兵自仁川上陸。袁見事急。電請解任回國照准。朝鮮事務。使唐紹儀處理。袁自光緒十年入朝。至是十年矣。袁去朝時慨然曰。使余手下有精兵一萬。豈肯含恥歸國。去朝之三日。甲午清日之戰遂開幕。清軍大敗。水師皆沒。李鴻章與日本伊藤博士議和。翌年春和議始成。是爲馬關條約。袁憤李不用己謀。知大事已去。無如之何。謁太傅李鴻藻。暢論中國舊制軍隊之腐敗。及日軍之精練。鴻藻素與袁之生父有舊。喜其才略。荐之於督辦軍

務大臣恭親王。王乃補用爲前營營務處。此時政權在西太后手中。袁有中軍趙維楨。爲太監李文泰戚族。袁埶資于趙。銜以己意。使爲先容。李文泰夙聞其名。使趙告之曰。請姑俟機至。政府鑑于甲午之役。一敗塗地。大有改革兵制之議。太后使軍機處大臣管兵部事務榮祿。節制北洋各軍。編成武衛五軍。任其總理。榮祿係太后之姪。威望在慶親王上。本非富有軍事知識。亦願得人以爲襄助。李文泰願介袁于榮祿。先使袁與唐景崇相結。景崇荐袁於榮祿。袁在朝時銳意考查日本軍事。於新式兵務。頗有所覺悟。及見榮祿。陳說皆中時弊。榮祿大喜。奏荐兩宮。而李文泰竭力自內助之。朝廷任袁以督練新軍三十營事宜。光緒三十年。袁春秋僅四十耳。袁卜地于新農鎮。即今小站。設立屯營。選募新丁。置各種新式武器。編制始成。姜桂題。段祺瑞。馮國璋。王占元。雷震春。田中玉。

。陸建章。曹錕。張勳。段芝貴等。凡二十四將皆屬其麾下。袁乃聘德國下士一員。充用教練。袁節制訓練。成績頗有可觀。時榮祿督直。會按察使出缺。榮祿舉袁繼任。光緒二十四年。西太后退隱頤和園。光緒帝乃始親政。慨對外政策。一敗於日本。二喪膠州灣。國勢陵夷。毅然有自強之志。六月下諭宣布開國進取之方針。廣東省。廣州府。南海縣。有康有爲。字廣夏。號長素。上書。大論變法自強之策。帝召見之。擢任總理衙門章京。同時梁啓超。譚嗣同。黃邁憲。張元濟等。皆被召。九月。帝躬謁太后於頤和園。上其所將改革意見書。太后大怒。帝退還宮。急召軍機章京。楊銳。又親授衣帶密詔於康有爲。詔曰。朕位幾不保。命康與四鄉及同志。速設法籌救。康有爲雖設法掣太后肘。不使再握政權。慮其姪榮祿擁北洋五軍。駐在京畿。其餘守舊之官吏。頑冥之親貴。將率擁

護太后。惟袁氏有所練之兵八千。精銳無匹。私以袁氏爲可賴。遣譚嗣同。任交涉。先是袁見康之變法論。心頗慕之。袁門下有舉人阮忠樞者。入京應試。袁命其接近康有爲。爲先容。及康設保國會。忠樞入爲會員。始得以袁氏之意通之於康。康慕袁有所利用。自是信息往來不絕。時太后定於九月十九日。引閱兵禮于天津。願誘帝至天津廢之。時爲改革派所知。翁全蘇勸帝莫幸。帝從之。改革派願引袁氏爲援。請帝下詔召袁。九月十五日。袁應召朝京。帝賜謁授侯補侍郎。十七日夜半。譚嗣同訪袁于法華寺。譚問曰。君謂皇上何如人也。袁曰。曠代之聖主也。曰。天津閱兵之陰謀。君知之乎。曰知之矣。譚曰。今之時能救皇上者。措足下無他。足下願救則救之。苟不能救。請抵頤和園告以我輩密計。殺僕以邀富貴。袁曰。噫是何言耶。皇上吾輩所共事之主也。僕與足下之寵遇非

常。救護之責。何獨在足下。謹聽足下所教。譚進膝語曰。榮祿等之陰謀。實在天津閱兵一舉。足下及董福祥聶士成。皆受榮祿節制。渠雖挾之行大事。然董聶不足言。天下之雄。惟足下耳。苟有變。足下以一軍奉護皇上。指揮如定。不世之業矣。袁曰。屆閱兵時。皇上馳入僕營。傳令誅賊僕必從諸君子後。以竭死力。譚曰。榮祿遇足下素厚。未知足下何以待之。袁笑而不言。時有幕賓在旁。立解榮與袁之關係。不甚密接。譚乃曰。榮祿操莽之才。待人非易。袁張目曰。皇上在僕營。僕誅祿。如殺一狗。袁於二十日回津。太后使李文泰傳旨于袁。袁已以陰謀許康。恐累及已。遂告榮祿曰。凱常結交於康有爲。近者康頗可疑。人心難測。恐謀不軌。時榮祿亦少有所聞。促袁氏赴京。以探康動靜。袁見康。說以利害。且諷康。歸之。康素樸直。爲袁所惑。謂袁曰。皇上曾諭予足下

。偕圖太后。足下苟有意於翼贊大業。則予先聞於皇上。袁曰。得拜手詔。則名正言順。康曰。舍弟廣仁。以英文進講皇上。請使其謁皇上圖之。後數日。將還天津。乃索手詔于康。康猶未得手詔。不與則失信於袁。遂以僞詔與之。袁辭去。不歸館。即駕火車還津。備報榮祿。且以手詔示知。而康見袁之行色躁忙。憚被其誤。急至其館。已無蹤迹矣。康追至天津。途逢袁。呼之。袁爲不聞而去。康乃至塘沽。乘船走上海其弟廣仁不知也。榮祿閱袁密報。抵頤和園入奏太后。太后大驚。命駕還京。時已夜半。入帝寢室。厲聲責之曰。汝與康有爲謀好事。我於汝鞠育無不至。今使汝自立。我有何罪於汝。汝願殺我乎。帝以不知陳謝。遂下詔捕康。不獲。捕康廣仁劉光第等六人棄市。太后復垂簾聽政。幽帝瀛臺。召榮祿等入內閣擢袁任直隸總督。兼護理北洋大臣。及後裕祿督直。袁解

護理。歸小站屯營。光緒二十五年冬。拳匪起山東。巡撫毓賢爲御史所彈劾。榮祿荐袁世凱於太后。十一月任署理山東巡撫。時年四十一歲。省中之匪徒。以仇視外教驅逐爲宗旨。名曰義和拳。黨羽數萬。蔓延山西。浙江。湖南。滿洲。蒙古。等處。袁帶新軍蒞任。誅首魁朱紅燈等。餘匪逃入直隸。時政府實權在端郡王。深信拳匪之術。提督董福祥。亦信其術。奉稱神拳。聲勢洶湧。助清滅洋。遂釀成庚子之亂。光緒二十六年。六月十八日。八國聯軍。攻陷天津。裕祿逃走。袁命提督夏辛酉統舊兵十營。北上應援。時西南勤王之兵。均已北上。豫軍駐楊柳青靜海縣一帶。袁密命夏辛酉故意緩行。莫衝天津。聯軍進逼北京。帝及慈禧太后拂曉蒙塵。取道居庸關。幸太原。端慶二王剛毅王文祥馬玉崑等扈從。北京已陷。兩宮西狩。退避長安。帝與慈禧。各乘一人所推之小車。當上橋時

。推車人兩臂乏力。小車傾倒。將慈禧跌下車來。幾乎落水。恰有一武夫追到。把慈禧扶將起來。大呼救駕。險未滾下水去。慈禧便問何人救駕。只見地上伏一高身大漢大呼太后萬歲。救駕的是俺張勳。慈禧問你是何方人氏。現居何官職。張勳曰俺是江西人。不過一小小武弁。慈禧又問道。來此何爲。勳道。專爲保駕而來。慈禧見他一片忠心。官職雖小。卻是一個忠臣。便道已來保駕。就隨駕同行罷。張勳謝恩。便一路同行。行走半日。見推車人汗流滿面。有些推不動。慈禧又時問到長安否。羣臣奏道。還有二百多里。慈禧心急如箭。一生那經過這種苦楚。現在難過的情形。張勳跪下奏道。臣見推車者。氣力有限。走得不快。不如臣代他推上一次。慈禧道。如此甚好。張勳說了一聲領旨。推了小車。急速前去。用足生平氣力。鼓勇而前。一日就到了西安。原來張勳在何營長部下。

充武弁。因扣發軍餉。將何某之部解散。張勳由此失職。奔走滬上。爲名伶周鳳林背包。漸又入京謀事。聞聖上西巡追蹤而至。便成救駕之功。此爲張勳發軔之始。駐蹕西安。特派慶親王及兩廣總督李鴻章等。於北京講和。翌年十月和議始成。或承認條件。請駕回鑾。命親王赴各國道歉。懲辦禍首。罰停三科。拆大沽口砲臺。天津二十里內不准駐兵。包賠兵費二萬萬。此爲辛丑條約。初袁聞兩宮蒙塵。遣夏辛酉率兵赴山西護駕。又獻銀二十萬兩。及方物於行在。今又命提督姜桂題。率兵北上。掃除匪孽。具陳意見。於慶李兩全權。頗有所獻替。由是始得接近慶王。十一月直督李鴻章卒於北京。西太后。電諭任袁世凱署理直督。袁奉命就任。奏請兩宮回鑾。時有上諭。略云。大局漸定。還京在近。袁世凱力保東南疆土。勳勞卓越命。晉太子少保銜。於是袁出迓鑾輿於順德府。十一月

二十五日。詔賞賜黃馬褂。且許紫禁城乘馬。二十八年正月七日。兩宮還自西安。是年春直隸廣宗縣。匪首景廷賓起亂。袁命候補道倪嗣沖。陸軍統領知府段祺瑞等討平之。捕景廷賓斬市。由慶親王獎荐陞叙直隸總督兼北洋大臣。太后與光緒臨朝。召救駕功臣張勳上朝。賜五品服式。藍頂花翎。見其足下未穿朝靴。便問爲甚赤足上朝。張勳奏道。因小人足大。定做一雙靴子。尙未完就。是以赤足。慈禧知他忠直。也只笑一笑。又問你要做何官職。勳道。弄一個小些的罷。慈禧就命一江南統制之職。勳搖手道。太太太太。臣不能勝任。最好在京中服侍太后。死所不辭。太后想了一想。云。你就把守宮門罷。張勳奉旨守門。不辭辛苦。每日盡職。這一晚張勳正立於門首。見榮祿中堂急步而入。張勳便攔住道。宮門重地。豈容大人亂跑亂闖。那榮祿把張勳喝住道。咱們是宮中自由出入。

你是甚麼東西。敢攔住不成。張勳知是榮中堂赫赫烈烈。只得立在一旁。讓榮祿入宮。張勳立了一會。身覺困乏。就在宮門首一條橙上睡了。正在酣睡之際。忽來一女子將張勳搖醒。張勳問。是誰是誰。那女子放手說道。你張勳在此作甚。急奔而入。原來此是李宮女。與榮祿有密約。因為黑夜看不清楚。把張勳當作榮祿。故將他搖醒。及聞聲知誤。乃羞慚而退。張勳在此自言自語。可巧慈禧太后那晚。正到夜遊園中。聽得張勳說話不對。便追問情由。張勳用手一指。說那邊有一男一女。深夜入宮。小臣攔阻不住。慈禧便命太監闖到裏邊。把榮祿與李宮女抓出來。榮祿俯伏請罪。李宮女亦是如此。兩人跪在一旁。慈禧大怒。將榮祿革職永不復用。李宮女罰入冷宮。張勳也伏地奏道。小臣把守宮門有失檢點。所以弄出這種私情事來。也是有罪。慈禧見張勳出言無規。恐將自己之情事。

也說出來。甚爲不便。只得調任京外。命張勳曰。你可不能再留京中。命你做江南統制。你可急速赴任。張勳知統制官職不小。由藍頂變爲紅頂了。感恩知遇。跪下磕了幾個響頭。隨道。張勳一日不死。是當別圖後報。此是日後復辟之種子也。遂赴任而去。當是時學生之留學日本者。大倡施行憲法於中國。而孫文之黨。專倡滅滿興漢。朝廷憂之。詢袁以制壓革潮之策。袁對曰東西各國。皆用輟法。國是乃定。故能富強。中國積弱。萬法難救。非行憲政。恐不免於革命。奏入。兩宮嘉納。於是簡派載澤等五大臣。於海外考察列國憲政。五大臣出赴歐美及日本。編引調查。及歸國。皆以須從速立憲。復奏。守舊派尙書。頗不喜憲政速行。謂方今民智之程度。未適立憲。宜期以十年。於是召旨立憲豫備期間。定爲十年。孰意革命氣運。漸成事實。徐錫林刺殺安徽巡撫恩銘。雲南又有河口

之亂。而孫文之徒。晦迹海外。立社結黨。袁願扶植勢力於其間。以爲異日飛躍之日。派密使於東京。暗與孫文等相結。孫黃所組織之中國同盟會。設在東京。袁派遣其所監保定武備學生。加入該會。借名於派遣留學生。撥出多款。援助革黨。以爲利用之準備。袁督直六年。所辦新政頗夥。御史彈劾之者。前後有數十次。朝廷雖倚重之。而亦不能無疑。遂有內用之命焉。袁上表固辭。朝廷不許。具奏就職。光緒三十四年七月。帝不豫。太后亦罹瘟疫。降旨醇親王。召其子溥儀定爲皇儲。十月帝崩。溥儀踐阼。時年六歲。改元宣統。醇王任監國攝政。隔二日西太后殂。十一月登極之禮已成。詔賞加袁世凱太子太保銜。賞用紫韁。十二月十一日有上諭曰。軍機大臣外務尙書袁世凱。夙蒙先朝擢用。朕登極後。復予殊賞。正願用其才。令致馳驅之勞。詎圖袁世凱現患足疾。步行艱難。難

堪任職。即免袁世凱回籍養病。以明朝廷體恤。免官之遠因。在戊戌變政時。袁以康意告榮祿。致兩宮生變。醇王逐袁。報帝之怨也。其近因。在御史彈劾。時趙啓麟。江春霖。趙炳麟。等。上疏彈劾慶王父子。受段芝貴賄賂。事涉及袁。有此兩因。遂下此諭。諭下之日。袁在朝鮮。值日官譯詔書抵袁處。告曰。皇上有旨。袁色驚。袁讀詔書下。連呼曰天恩高厚。回館。至翌日。抵闕謝恩。即日駕快車出京。隨携眷赴河南。袁本不與親故相善。不敢還項城。而居彰德縣。當其出入時。有偵探追隨。袁杜門謝客。延師課兒。常與兄世廉。泛舟於小池。世廉垂綸。世凱操篙。世所傳之。項城披簑立船圖。殆爲此時光景寫真也。

第二章 武昌起義袁世凱推倒滿族之時代

袁項城回籍以來。四載於茲。又到其復活之好機位矣。宣統三年九

月。郵傳部尙書盛宣懷。主持將川漢鐵路收回。借款官辦。而川紳激憤。變將巨測。政府派遣川漢鐵路大臣端方。率鄂軍一營出任鎮撫。半途爲亂徒所害。於是全蜀擾亂。勢成燎原。十月十日。即陰歷八月十九日。武昌軍隊。一時崛起。總督瑞澂藩台聯甲統制張彪交涉使施炳燮。僅以身逃。起議之首領爲誰。即湖北第十一鎮第二十一旅旅長。黎元洪是也。元洪字宋卿。湖北黃陂縣人。故稱爲黎黃陂。在北洋水師學堂畢業。時張之洞爲兩湖總督。任黎爲統領。黎本係湖北人。部下全體將士。皆有聯絡感情。又與本地各界紳士人民。無不竭誠相待。因此地方上格外歡迎。後張文襄公內用。清廷派瑞澂督兩湖。瑞澂滿人也。黎憤滿族入中國二百餘年。一味行專制政體。把大漢絕種。作奴隸一般看待。常時同部下軍隊在操場上演說。那些愛國故事。全體將士一個個感激涕零。大家摩拳擦掌

都是咬牙切齒。的憤恨。此蓋一般愚蒙。被黎元洪當頭一棒。誰沒有天然本性。自是天良發現。大夢頓醒。那一個不想恢復祖國。替漢族爭光呢。元洪知湖北全軍。都在掌握之中。便與諮議局長湯化龍饒漢祥商議。約定二鼓時分。赴督署面見瑞澂。要求一切。屆時三人又帶二心腹營長。各携手槍。進督署。見瑞澂。瑞澂問其來意。元洪高聲答道。此來乃因重要機密大事。以大帥平日優待之情。不得不以直言相告。方今天下不寧。盜賊四起。致使人民遭水火兵革之災。怨聲載道。乃清廷不修仁政。以慰人心。只肆行專制。橫征暴斂。昏瞶糊塗已達極點。刻下羣情洶洶。要大起義師。推翻清室。各省響應。莫不皆然。此係天下激起公憤。非向時禍亂可比。諒清廷無方抵禦。雖有海陸全軍。也是以卵擊石。決難効命。眼見民軍起義。危在旦夕。元洪素蒙知遇。豈忍袖手旁視。倘大帥果以元

洪爲金玉良言。應天順人。幸勿抗拒。歸順民軍。仍不失目前地位。否則大兵到日。玉石俱焚。徒令大帥赫赫威名。一旦付諸流水。那時悔之晚矣。古人云。識事務者爲俊傑。仍請大帥從速裁奪。元洪現爲民軍代表。以便前去復命。瑞澂聞聽此言。驚得手足無措。半晌不能開口。元洪又再三催促。仍是置之不答。元洪見此情形。隨曰。讓你計較計較。限三日答復。同出督署而回。瑞澂夜不成寢。次日請藩司商議。藩司聯甲也是旗人。一聽瑞澂所言。已嚇得魂飛魄散。安有主張。瑞澂仰天太息曰。照此看來。滿人氣數將終矣。無結果而散。轉眼之間。三日已到。忽聞外面砲响連天。殺聲震地。帶親信人出署至江邊。乘兵輪而逃。元洪等到三日。正是八月十九。率革命軍在武昌起事。及殺至署轅。知瑞澂已走。貼出通告。改立中華民國。扯起光復大漢四字旗。元洪親率軍隊各地遊行。示

諭百姓。真是軍容整肅。紀律嚴明。武昌城內外家家扯掛白旗。歡迎民軍。齊推黎爲鄂軍都督。以督署爲督府。派軍隊前往漢陽。不到半日。漢口已懸白旗。早經光復。接連宜昌九江荆襄一帶。通同響應。民軍聲勢。十分浩大。武昌城更換一番新鮮氣象。人民歡聲雷動。齊贊爲中華民國之元勳。長江一帶。與福建。兩廣。雲貴。陝甘。以及山西。陝西。山東各省。傳警呼應。警報至京。朝廷震駭命陸軍大臣蔭昌。第六鎮統制吳祿貞。帶兵赴武漢。進至漢口。與革軍開戰。不利而退。於是攝政醇親王決計起用袁世凱。卻說袁世凱閱各處報紙。知革黨實現。暗想老夫不久定要出山。一日謂其兩公子。克定克文曰。日內朝廷定有旨下。爾等只說老夫患足疾多時。不能行動。凡是客來一概謝拒。兩公子遵命。暗笑父親年紀高大。尙是功名心重。此時安得有欽差下來。正談論間。忽見門役報

稱外有京中大使。費聖旨前來。原來政府特派法制局參事阮忠樞。傳達聖旨。以袁世凱任湖廣總督。並命無庸覲見。即行赴任。慶王亦託書於忠樞致袁。力勸其出山。其書曰。余與公同受先朝顧命。言猶在耳。現際時機緊迫。尙冀共輔聖主。挽回危局。既往一切之事。願勿介於意。克定克文聞報喜曰。果不出父親所料。即走到後面。報之其父。大公子出來迎接其使。欽使到裏面。展開詔書。讀了一編。並稱出慶王私書。克定即照項城所囑之言回答。備筵款待。來使一聽袁公患病。不能奉詔。次早回京復命。克定送走欽差。問其父曰。朝廷恭請父親出山。督師湖北。可謂卑禮厚幣。何等光榮。大人何故托病不去。項城冷笑道。豎子真是頑虫。昔日司馬公不肯應詔。魏主三番二次派人親到府中。方纔奉命。此中玄妙異常。其兩子師與昭。就知其父用意。是爲他們留將來地步。爾等竟如此

糊塗。說得公子默默無言。陸軍大臣蔭昌。亦於十月十七日至項城處以征討軍略相商。又促以出座之事。項城仍未之許。清廷無計可施。又派薩鎮冰領海軍並進。依然大敗。實不得已。特派兩位宗室親王。同來恭請。項城到了此時。知時機已至。不可再爲推卻。即命大開中門。將宗室大臣迎接進去。先請了鑾安。然後叙次坐定。敬茶已畢。世凱拈鬚笑道。老夫何德何才。辱主上隆寵。深感知遇之恩。粉身難報。衆大臣說道。老宮保何出此言。前此誤聽奸言。致使老宮保受屈。追悔莫及。久願下詔。恭請駕台出山。匡扶國政。況今革軍四起。黎元洪佔據武昌。前知老宮保久患足疾。未敢勞動。朝廷因派蔭昌前往督師。不料革軍勢大。蔭昌兵力不支。刻下危急萬分。主上特令某等前來。務望老宮保以國家土地人民爲重。勉力以行。以定國難。天下幸甚。萬民幸甚。主上自有重大酬報。決

不有負盛情。請勿推却。某等亦感激不既了。世凱答道。既革軍如此猖狂。主上憂心。人民塗炭。老夫焉敢坐視。自當竭盡愚誠。以副聖眷。但此後成敗利鈍。未敢預料。主上仍宜勤修仁政。方可弭內患而防外寇。幸勿再失人心。倘能仰仗天威。早平國難。那更是大幸了。衆大臣道。老宮保金玉良言。某等回京當代爲上奏。請老宮保刻日起程。軍情緊急。不必再進京面聖了。世凱點頭答應。衆大臣次日回京復命去了。世凱喚齊手下心腹。計議。就令馮國璋帥第一軍。段祺瑞帥第二軍。皆爲軍統。歸袁節制。命第一軍趕赴湖北。第二軍暫註備策應。斯時上諭曰。任袁世凱爲欽差征討大臣。既出發之海陸軍。長江水師。及今後所發軍隊。均授該大臣指揮。諸督撫隨時會同計劃征討一切事宜。皆任袁世凱之機略。陸軍大臣廕昌。因部務繁重。不能久留在外。即將第一軍交付馮國璋。候袁

世凱到後。著即來京。此上諭一下。軍權皆歸袁掌握矣。按馮段俱爲武備學堂畢業生。馮爲直隸河間縣人。段爲安徽合肥縣人。馮碌碌無所短長。而段與王士珍等齊名。時有王龍段虎之稱。值滿清銳意治兵。改良軍政。陸軍之最善者。無過德意志。因資送學生於德。練習陸軍。滿人如蔭昌等。漢人則段祺瑞。其遠也。呼吸海外之兵氣。亦既有年。比及歸國。正值北洋練兵。而其富於軍事學識。爲項城所信任。故新軍教練之事。委之於段氏。於是北洋將領。大半出其門下。於德州製兵工廠以備軍需。新軍既成。身爲統制者有年。旋代王士珍爲江北提督。皆項城汲引之力。亦以酬治兵之勞也。且說馮軍南下。夜襲革軍於漢口之南。革軍敗退。馮攻下漢口。大肆焚掠。繁盛之區。盡付一炬。遂陷漢陽。據龜山。攻武昌。武漢人民渡江而南者輒爲清軍所擊斃。外人目擊情形。憫地方之糜爛

乃由駐漢英領事出爲介紹。商議停戰。至是項城始出河南南下。先是黎元洪在武昌籌辦一切事宜時。上海陳其美。湖南譚延闓。皆是革命中要人。都帮他捐助軍餉。轉運子彈。一日見報紙登載老袁即要出山。部下兵士不免有些畏怕。都說老袁手段利害。因他昔在小站練兵也有個小小名譽。元洪大笑道。爾等以袁爲何如人。照本都督看來。分明是曹瞞後世。司馬再生。這倒是民軍大大的幸事。這民國成立之期不遠了。衆人都不解其意。連湯化龍也來追問。元洪道待老袁來時不用槍林彈雨。只憑一函書信。管保成功。衆人也不好再問。各自退下。是夜可更忽有軍事偵探來告。說袁世凱派先鋒馮國璋帶領精兵暗襲漢口。民軍大敗特來報知。元洪聞報。即刻召集將士率領全隊出城。天甫黎明方到江口。早見江中無數船隻。都是漢口居民渡江逃難。一時砲火連天。哭聲震地。元洪不禁淚下說

道。只是予一人罪過。不曾防備。致使人遭浩劫好生悽慘。言罷拔佩刀自刎。左右連忙阻住。元洪仍是傷感不已道。事已至此。無可挽回。命接濟逃難人民。加意保護。一面督飭民軍預備抵敵。適有英領事調停暫爲停戰。一日忽聞袁世凱到來。即派人渡江下書。老袁方到行營坐定。外面即呈上一書信來。拆開一看。原來是黎元洪賀書。內容未提軍事一字。却是說他功高望重。一味頌揚。只有兩句話旁加密圈。老袁看到此處暗暗點頭。即時給了回片。草草問了軍情。向衆人說道。此次革命風潮非昔日可比。多由朝廷自取。現已不可收拾。教我們苦苦支持。俗云一木難支大廈。孤樹不成茂林。祇有竭其棉力以盡人臣之分。順時聽天而已。爾等以爲何如。衆將連連稱是。此時馮國璋聞信特來謁見。命坐之後。袁微笑道。將軍虎威。誠足令人欽佩。但老夫此次平難。只宜勸定禍亂。安靜地

方。使百姓傾心人人悅服。方是正理。何以將軍戰勝漢口。使縱軍劫掠。殘害地方。致人民橫遭塗炭。王者之師豈應如此。國璋來時正自己居功想討一番誇獎。不料竟討得如此沒趣。心中好生難受。又不敢置辯。只得悶悶回營。原來黎之信中有高鳥盡。良弓藏。狡兔死。走狗烹。二語。老袁觀此二語。心中暗想吾戰勝革軍。定然召我入京。明是論賞。卻暗中拘禁。日後起一個罪名立時貶斥。甚至有性命之虞。那時再想歸隱項城以娛晚景恐不能矣。仔細想來民軍聲勢愈大。老夫便地位愈高。清兵建功愈快。老夫即性命愈危。我何不如此如此豈不兩全其美。袁公主意已定。便令海陸兩軍將士。明日特開軍事會議討論辦法。次早大家齊到行營。袁公升坐。參謁已畢。袁向各軍官說道。此次用兵。老夫非是胆怯。但革軍四起各省響應。今日平了湖北。他處亦不易平定。况黎宋卿用兵頗有閱

歷兵連禍結。何日方休。徒使小民受害。老夫心實不忍。今有議和主張。明日派人下書。約宋卿到陣前。老夫與他談判。看他有何意見。他肯聯和從此兩下休兵。老夫與他立定條約。再申奏朝廷。爾等以爲何如。各將士一齊贊成。隨即派人下書去訖。元洪接到書信。細看乃是項城約他明日上午陣前會話。即在回片上復了幾句。吩咐回去。次早元洪挑了一萬民軍。全軍武裝器械鮮明。隊伍整齊。有兩名軍士各執一面白旗。上書光復大漢四字。元洪穿新式禮服。腰佩指揮刀。金光燦爛。威武逼人。另有十六名衛隊。每人均握手槍。在坐馬前後簇擁保護。大軍一路出城。揀空曠地面列成陣勢。此時袁世凱也領全隊到來。兩陣對立。袁傳令把隊伍排齊。他二人在馬上拱手行禮。元洪躬身說道。前此奉上一函想邀青鑒。書中之意乃金玉良言。務乞我公留意。自己珍重要緊。袁公點頭會意立即

答道。今約將軍談判。老拙也有幾句心腹話望祈垂納。現兩軍相持已久。徒令百姓不安。老拙擬同將軍訂約。從此各自收兵。兩下聯和。待老拙申奏再候旨下辦理。不知將軍可容納否。元洪明知其意。自然一口應承。再候明教。兩人拱手作別。各領軍隊而回。袁氏上書北京政府請求朝廷改定政體。爲君主立憲。設立責任內閣。開國會之期須縮短爲一年。南軍能納此言。不但免除其叛亂之罪。且願以厚賞。由袁世凱保證。決不有違云云。同時又有奉天第二十師之師長張紹曾。長春第三師師長盧永祥等。代表東三省軍人上奏效治改革案十二條。於是攝政王以皇帝名義下罪己之詔。又納資政院建議。承認廢止皇族內閣。解除黨禁。大赦關係革命者。實行憲政。更任袁世凱爲內閣總理大臣。蔭昌爲軍諮大臣。慶親王爲弼德院院長。那桐徐世昌爲副院長。魏光燾爲湖廣總督。未到任前王壽彭署

理。至內閣各大臣待袁世凱到京後。從其所推荐定之。資政院議決憲法共十九條。擇期宣誓太廟。將重要信條。宣告天下。此間湖北官革兩軍。隔漢水相持。項城接北京上諭。又派軍使持條件講和。十月十日更派二軍使於武昌促其答覆。都督顧問宋教仁。及江西代表等反對項城提出條件講和。衆議一決。十二日軍使歸營時。北京政府以急電召項城北上。蓋恐其投入革軍也。項城不及與軍使相見而北。十四日入宮覲見。隆裕皇太后。及攝政王。奏以時局艱難力薄不堪救濟。再請辭職不許。項城俟朝廷勸請再三。然後就任內閣總理。十五日入覲謝恩。發電云此次朝廷實行立憲。頒布憲法十有九條。倘有未滿意之處。尙冀陳述意見而無少遺。予當負其責任。但至種族革命則非予之所能辦也云云。此語便留退位地步。自袁公北上革軍知和議無成。二十五日進攻南京。二十六日完全佔領

。巡防隊長提督張勳。總督張人駿。將軍鐵良等。棄城而遁。張人駿鐵良是舊官僚派。無所稱道。獨張勳自太后命其爲統制以來條經數載。其在江南之趣聞。頗爲不少。試略談一二。勳好賭。凡同僚欠其賭賬者必親去索討。不達目的不止。王克敏世稱爲嫖賭大家者也。賭品極好。輸贏無喜怒色。勳深悅之。常與之併份而賭。克敏賭運甚佳。十賭九勝。勳視爲莫逆友。遂拜勳爲義父。談者莫不羨其因賭進身而致顯貴云。一日出外打獵。微服赤足。人莫知爲軍門大人也。至半途遇二老婦與一少女同行。勳便問曰。你們意欲何往。少女答道。我是燒香回來。又問曰。你家住何處。斯時二老婦對張勳撇了撇嘴。把少女拉了就走。而少女將其住處堂號姓名一一告之。勳便道你原來住在秦淮河畔。雙富堂中。名叫小毛子。明日我去吃酒可好。小毛子道。有何不好。只管請來何如。勳又道。你不

嫌我是樵夫。難得難得。你的眼光甚好。就是明天會罷。二鵝婦口中咕咕嚕嚕。怪小毛子不應與那下等人說話。分別各自回去。次日仍以樵夫打扮到秦淮釣魚巷。直入雙富堂內。果見有小毛子在。龜奴以其鄉愚模樣阻不許入。早被張勳推倒。此時小毛子便招入粧閣。以爲與之談話倒可開心解悶。張勳以爲他與我一往情深。便命擺酒請客。鵝母又放出只重衣衫不重人的手段來。恐其吃完無錢。反不讓擺。小毛子居中調停方允。張勳將寫請客條自己不能握筆。只推手痛。教院中賬房代筆。賬房提筆問道。請那幾位。張勳道江甯縣。代筆人不敢寫。說你只樣人。敢請知縣大老爺嗎。張勳道。你只管寫。他見條子管保就來。只得寫了。第二張教寫江甯府。賬房先生見越寫越大了又不敢下筆。張勳道。你只管寫。好在有吾負責任。代書人只得唯唯從命。凡制台藩台參將都司莫不在內也。寫了一

張去請自己。龜奴將請條發出不多時。果然雙富堂前轎馬盈門。官員一見張勳。就行下屬之禮。鵝母見此光景也就又驚又呆。別看一個鄉下人。到是大有來歷。那制台對鵝母道。只位就是軍門大臣。唬得大家一齊跪下請罪。小毛子也跪下叫了一聲大人。張勳時心花大放。雙手扶起小毛子請道。你能慧眼識英雄。是前世與你有緣。吩咐擺酒。那張勳差官接到請條他便趕至。張勳見了差官吩咐去拿衣帽一換服式。就與來時大不相同。將小毛子撫之膝上說。你肯嫁我麼。答道只恐沒有福分。命薄之人不能長命富貴。張勳聞其鶯聲嚙歷更加憐愛。便問鵝母要多少銀兩。鵝母應方纔得罪過不敢獅子大開口。不然樂得大大敲一竹槓。答道在大人賞賜決不敢計較。張勳道如此付你五千銀兩。今日就要接他回去。飲酒已畢。衆官員各自回衙。張勳亦自己先回。吩咐備一乘小轎。並五千兩紋銀。來

接小毛子回銜。如此由妓女羣中一躍爲軍們之如夫人矣。到此時南京失守。張勳鑒於大勢已去。只得出走。尋爲袁世凱所召。居其部下。革命自攻陷南京之後。大有天下呼應之象。該黨領袖張謇。伍廷芳等。公電於政府要求從速採用聯邦共和制。皇帝及攝政王退位。務從輿論。救生民於塗炭。攝政王不得已力辭監國之職。十二月六日以隆裕太后名義頒布上諭退位。當此之時南北均苦於財政。咸有講和之意。袁世凱命唐紹儀爲全權代表。副使楊士琦嚴修以下參議員等。共七十餘人。唐紹儀等於出京前一日一律剪髮。然後啓程。項城亦先與唐等實行剪髮。其表好意於革軍可見一斑也。既至武昌隨又變更講和會議地點於上海。十三日武昌外交總長胡瑛。及湖北代表王正廷等六人。與唐等同船駛向上海。革黨任伍廷芳溫宗堯爲講和全權委員。十八日開第一次會議。南方提出之條件。大綱有

四。一推倒滿清政府。二主張共和政體。三禮遇舊皇室。四以人道主義待滿人。此撤廢皇室問題極爲重大。唐紹儀雖任全權。此一事不能專對。請示於項城項城。及閣員各委員連銜以上海會議狀況由太傅世續徐世昌上奏皇太后。太后命宗人府正式諭飭各親貴王公於二十八日特開御前會議。皇太后臨御慟哭。各王公等涕泣無能。仰見者。攝政王指宣統道他當日登極之時候。羣臣朝賀他只是哭。就知是不祥之兆。今日果然應驗。議決即速召集國民會議決定政體以選舉議員法召集法等項。由唐楊二全權與革命全權伍廷芳商定。太后降諭以議決事項發表天下。然御前之會議頗不爲滿人所喜。如載濤。載洵。載澤。善者。良弼等。秘密結宗社黨。不特仇敵南方。且甚猜忌袁氏。蓋漢陽之役。停戰主和皆出袁氏之陰謀。明眼人早已窺破。及國體問題發生。袁氏正爲滿人猜忌之時。清廷乃分遣軍

隊。攻山西。奪娘子關。刺殺吳祿貞。入太原。窺皖北。倪嗣沖復率其所部。馳騁於潁亳之間。一面集兵河南。一面徵師甘肅。將遷合兩地軍隊。爲夾攻陝西之計。此皆宗社黨魁良弼所主持。斯時袁恐遭危險。有所顧慮。乃更動禁衛軍官。轉送其彈藥大半於湖北。其存在禁衛軍者。不過每人十彈。而優備彈藥者。係其部下趙秉鈞之巡警隊。故團結鞏固之宗社黨。無下手之餘地。及民黨彭家珍。刺死良弼。宗社黨人人自危。不敢倡言反對矣。時革命元老孫文自美國抵滬。民黨意氣更壯。二十九日上海續開媾和會議。一採問如何政體之問題。應於國民會議決定。二國民會議期間。北京政府不得籌借外債。三各省滿洲兵。於五日間。撤出百里之外。共和黨軍隊亦不得進逼。三十日復開會議。關於選出國民會之議員區別及數目協定。三十一日復開會議。協定以張勳屢次違約。且縱兵殺掠暴

行。大悖人道。須查辦。伍廷芳於一月八日提議國民議會。於上海。唐全權與革軍代表協定之事項。電達北京。北京多不贊成。資政院建議於袁總理曰。一國民會議章程。須於內閣起草。且以北京爲會場。二唐大臣關於政體利害。未經與革軍代表。十分磋商。而贊成共和。尤爲失妥。三停戰期間。不須撤去防禦軍隊。四須奏請利用宮廷古物。救濟財源之急。各地軍官。亦聯合上書。均反對協定事項。於是項城電訓唐全權曰。國民代表須依各省正式公選。以上海之少數人爲全國代表。任其專制。非所以維國民信用之道。且國民會議。必須於北京召集之云云。唐不得已。遂辭去媾和全權大臣。時有十七省代表五十餘人。均會南京諮議局。行臨時大總統選舉。孫文以投票多數。當選。即任中華民國大總統。改用陽歷。自一月一日起。建元大中華民國元年。又創製五色旗。定爲民國旗。孫文

入南京。大總統府。舉行就任禮。孫文乃宣誓曰。傾覆滿洲政府。鞏固中華民國。以圖民生幸福。一採國民意嚮。文實隨之。以忠於國。爲衆服務。至專制既倒。國內無變。民國獨立世界。列國公認。則文當解臨時大總統之職。謹此誓於國民。一月三日。會獨立各省代表於南京。推黎元洪任副總統。孫文蒞會協議。任命各部總長。黃興長陸軍。黃鐘麟長海軍。伍廷芳長司法。陳錦濤長財政。張謇長實業。程德全長內務。王寵惠長外務。蔡元培長教育。湯壽潛長交通。項城聞唐辭媾和全權。於是願親赴上海。自爲交涉。革黨亦希望其南下。清廷恐其一去。北京成無政府狀態。又憚其爲民黨所擁。不許其南下。乃以電報交換議論。詰伍廷芳曰。革軍已承認國體問題。俟國民會議決定。而組織政府。選舉總統。宣言顛覆滿洲政府。是全與會議宗旨相反。是何用意。請速撤銷云云。孫文覆

電曰。東南諸省。久闕統一機關。設建臨時政府。屬目下之急務。將來之事多俟公而決云云。項城立於官革中間。苦所適從。入宮覲見皇太后曰。今日之勢。和議難望成立。最後之決。實在一戰。前敵軍將皆思致身於社稷。所憂者。軍餉缺乏。無從支持。如皇族王公。各以其私財充用軍資。眼前危局。何難挽回。臣言無效。臣不堪任總理。請辭。太后極力挽留。即諭准撥內帑三百萬元。且賣宮中古寶。以充軍用。各皇族爲太后英斷所勵。承認撥巨額以應本國公債。召募世讀先認應募四十萬兩。由此北京政府。內部稍呈活潑氣象。是項城不獨欲去其位。而且欲留其財。其手段可謂辣之至矣。然應付之者。亦有人在。一日項城退朝。有三人要之於途。將炸彈投擊。二衛兵斃命。從者十七人皆傷。項城獨免。毫無所損。亦可見天之不滅曹矣。其後防務大臣張懷芝。亦於天津車站被炸。

京師親貴大臣。惴惴不能安。慶親王稱病請假。杜門謝客。不復列會議之場。而皇帝退位風說。日日喧傳。廷朝屢次會議。項城亦數被召。徵其意見。對曰。退位問題。事極重大。臣子之分。不容置議。蓋項城務避與聞此一項問題。一委諸清皇族之所決也。然在背後。則喉使楊度等。起共和促進會。發布其宣言書。於推倒滿洲朝廷。陰謀密策。無所不至。因其有最後一戰之言。太后以內帑助餉。又。授意於逗遛豫省第二軍軍統段祺瑞。聯合統兵大員。第一軍司令何宗蓮。護衛軍都統姜桂題。江蘇防備軍張勳。以及各師長共十四人。連銜以贊成共和之電。忠告清廷。電中大意謂人民心理。傾向共和。應請早日退位。宣布共和。以定大局。而免生靈塗炭。並附以最後之警告曰。如各親貴尙懷疑懼。或以共和爲不利。祺瑞當即帶全隊入京。與各親貴剖陳利害等語。自是各貴族王公。皆倉

皇失措不敢更執私見。太后見軍將亦不用命。無術可施。於一月三十一日。特開皇族會議。決定皇帝退位。翌日降諭於袁內閣曰。朝廷已悉民意所存。以後皇帝僅止保留尊榮。不復干與政權。內閣須與革命黨妥商。於謀國民福祉。無略有遺算。項城對於清廷之計劃。於是大半成功。乃逕電伍廷芳。謂今日始有權討論優待皇室條件。雙方議定。優待之條件三項。共十九條。第一項優待皇室八條。一清帝遜位後。不廢尊號。待以外國君主之禮。二皇室優待費。歲四百萬元。由民國付給。三清帝遜位後。暫居宮禁。後移居頤和園。侍衛照常留用。四清室宗廟陵寢。得永遠奉祀。五德宗崇陵工程及奉安典禮。悉如舊制。其經費由民國支出。六宮內各執事人員。照常留用。以後不得再招閩人。七清室私產。民國特別保護。八原有禁衛軍。歸民國陸軍部編制。額餉仍舊。第二項優待皇族四條。

第二項優待滿蒙回藏各族七條。條件議決。以正式公文通告。並照會駐京各外使。一致承認。二月十二日。朝廷頒布皇帝退位詔。清乃亡。

第三章 二次革命袁世凱正式總統之時代

清廷宣布共和。項城依其附託。組織臨時共和政府。南京拍電歡迎。孫文推舉袁世凱爲總統。孫之所以讓袁者。其故其三。一當唐紹儀南下之初。即約定第一任總統。必選袁氏。二清帝退位之詔。復有由袁世凱組織臨時政府之言。三孫氏受職之始。曾有俟專制政體既倒。文當辭臨時大總統之宣誓。有此三因。孫不得不讓袁。且孫氏自己才力兵力。弗逮於袁。非讓袁氏快其初心。共和雖成。亦不能存在。且信袁當於政治經驗。必能經理民國。措置得宜也。於是臨時參議院開選舉大會。十七省代表。以十七票之全數。一致選袁

爲臨時總統。電告項城。請從速南下。二十九日夜。京中兵亂發生。餘燄蔓延於天津保定太原。數日之後方能鎮靜。袁乃藉口維持北
部秩序。拒絕南方要求。當蒙孫文許可。袁於北京組織政府。南京
政府同日取消。臨時國務員亦一律解職。袁氏乃依臨時約法之規定
三月十日。舉行臨時大總統受職禮。任命國務總理改織新內閣。以
南北之統一。唐紹儀實爲切首。提出爲國務總理。投票亦得多數。
遂爲第一任總理。著手組織。提出國務員名單。外交陸徵祥。內務
趙秉鈞。財政熊希齡。陸軍段祺瑞。海軍劉冠雄。司法王寵惠。教
育蔡元培。農林宋教仁。工商陳其美。交通梁如浩。參議院投票表
決。除梁浩未予通過。由唐總理兼攝外。餘均同意。唐內閣遂完全
成立。四月孫總統舉行解職典禮。各省諮議局。及留守機關。一律
撤銷。行政統一。着着實現。袁氏得志。便夜郎自大。擅作威福。

半年之中。閣員三易。二年。因憲法起草問題。議論紛起。及政府頒布官制官規。專制之端。首尾呈露。國民黨議員。選舉民黨首領宋教仁組閣。行責任內閣制。以掣老袁之肘。而袁氏與其心腹趙秉鈞。商籌抵制方法。令其不能到任。趙以暗殺之術進。袁點頭稱善者再。囑其嚴守秘密。勿許第三者知曉。秉鈞答道。我趙某辦事。終能達到目的。爲總統分憂。告辭而退。寫好一封書信。寄與心腹知己洪述祖。教伊買出死黨。在上海暗殺宋教仁。事成之後。就是升官發財之階。洪接到密函。立即打電到上海。教應桂馨進行。謀害方法。那應桂馨本是青紅幫首領。手下有許多亡命之徒。內中有一人叫武士英。是天津原籍。很有胆量。且膂力過人。從小因爲好賭。把家產賣盡。遂跟應桂馨跑腿。桂馨接到密電。一想惟有武士英可辦此事。乃向武暗暗說道。別人都說你有胆量。有義氣。但與

我相交之後。未曾見你作出驚人事來。士英道大哥。小弟性情一向好勇。除非大哥沒事發生。如大哥身上發生了甚麼事情。小弟當萬死不辭。桂馨笑道。這話可真。還是敷衍的誇話。士英道。咱心直口快。不懂誇話不誇話。如果大哥有事。不妨說出。小弟一定願去。決不怕死偷生。桂馨道。那纔真算好漢。便將洪述祖來函一一說明。惟探聽得宋教仁。明晚即欲乘火車北上。去就內閣之職。你之職任明晚就要成功。如肯答應。再贈二百元。以爲酬勞。士英欣然聽命。領六响手鎗一支。宋教仁照片一張。說就在明晚下手。看我馬到成功。却說宋教仁與一般民黨人物。如黃興。陳其美輩。八時在一品香餞行。隨即乘汽車送到滬甯車站。有十一點半鐘各人在空地上散步。豈知武士英來此已久。看見從汽車上下來之人。有一個與照片相似。士英跟至空地無人之處。拔出手鎗。對准宋教仁後背

。打去第一鎗正中後胸。宋教仁方欲呼喊。第二鎗又到。士英見鎗彈已中。飛奔逃跑。黃興輩聞鎗聲羣集而來。只見教仁。已臥地上不能言語。仍用原汽車送往醫院。登時斃命。民黨人回到總部開會討論。暗殺主使之人物。大家一致猜到袁世凱身上。從此民黨與袁派。勢不兩立。却說武士英奔跑回來。報知桂馨。大功告成。桂馨便道。我料你是個健兒。果然不錯。在懷中掏出二百元鈔票。交與士英。士英並不推辭。便去開懷暢賭。應桂馨寫信寄與洪述祖。述祖報與趙秉鈞。趙秉鈞便對袁世凱稱慶道。心頭大患。業已除去。可保無慮。袁世凱乃目空一切。視中華民國是他產一樣。恐反對終必有人。非用武力征服不可。命梁士詒商議大借款。就用在對內戰爭。又咨行兩院。希望選舉正式總統。而二次革命率以此而引起。江西都督李烈鈞。安徽都督柏文蔚。廣東都督胡漢民。反對善後大

借款尤烈。袁氏大怒罷免三督之餘。復遣段芝貴爲總司令。李純爲指揮。馳兵九江以示威。李烈鈞據湖口起兵。馳檄遠近。歷數袁氏之罪。浙閩湘粵皖。先後響應獨立。推舉黃興爲大總統。奠定南京。黃興入南京。逐程德全。袁氏即命倪嗣冲帥第一軍。馮國璋帥第二軍。南下。時江蘇防備軍張勳。會合馮軍。進攻南京。七月十七日大戰。民軍黃興不能抵禦。棄城逃往上海。勳縱兵搶掠。輿論非之。後爲長江巡閱使。駐節蚌埠。因欲劾忠清室。不肯剪髮。部下兵卒。稱辯子軍。異常蠻橫。馮鎮守南京。再說段李連日進兵。已與湖口相近。探子報道。此處離湖口四十里。前面就是林虎軍隊。李純吩咐三軍扎營。差人至林虎營中下書。預備明日開戰。林虎得報。稟告李烈鈞請示。當夜李親至林虎營中。命虎爲前敵總司令。自居大元帥。策應後隊軍務。及至明日。排隊激戰。自午至深夜。

不分勝負。各自收兵。李見不能取勝。深爲焦燥。便對林虎道。北軍器械精良。軍備充足。可以持久。我軍利在速戰。今定一計。明日戰時我軍預先埋伏。爾佯敗退卻。誘敵軍深入。隨後伏兵四起。前後夾攻。教他片甲不回。林虎答道此計甚妙。一宵已過。明日依計而行。李純不知是計。督率軍士追擊退兵。約有十餘里。只聞四面鎗聲皆起。砲彈齊飛。嚇得北軍奔逃。又兼不識路程。鎗械均爲奪去。死亡大半。幸段芝貴大隊趕至。用機關鎗抵住。忙即收兵。敗退二十里。收點殘軍。死去千餘。並失槍械大砲無算。便與總參員商議。李烈鈞善于用兵。好在彼軍無糧。難以持久。我等堅守數日。到那時一鼓進擊。定當獲勝。大家同聲稱是。越日李烈鈞又派隊進攻。李純用機關槍抵住。一連數日皆不能進取。子彈又無人接濟。開戰數日。已用去無數。李烈鈞深爲焦灼。乃告急于柏文蔚。

奈倪嗣冲正領兵入皖。也是自顧不暇。安能顧人。李純深知獨立軍槍彈不充。就身臨前敵指揮進攻。連戰二晝夜。殺得屍橫徧地。血流成河。贛軍紛紛逃潰。李烈鈞見此情形。雖有勇氣。也無法維持。只得奔逃。留此有用之身。以便後日再舉。即脫下軍衣。化裝樵夫模樣。連夜奔至九江。搭輪到滬。段李軍隊直抵南昌。城中懸掛白旗。請北軍入城。當下拍電轉告政府。而柏文蔚聞得此信。江西失守。安慶腹背受敵。教我如何可守。未幾果被倪軍攻下。柏亦逃往上海。是時逋逃之民黨。皆聚上海。相見之後。各道失敗情形。不免有多少浩歎。一日李烈鈞對同志商議。我等現在雖有租界爲護符。但兄弟對於繁華之地。最能感觸舊情。意欲東渡日本。可有那一位與我同去。黃興道我也願去遊玩幾時。看定了日子。乘輪東渡。烈鈞坐在船上。推窗一望。海天一色。只見日光爛漫。海氣清涼。

好一片晴景也。未幾陰雲密布。紅日無光。忽然雨點下來。烈鈞仰天一看。把一片美景。變成了可怕的状态。便歎一口氣道。真是天道靡常。忽聽背後一人接道。不獨天道靡常。人事也是如此。烈鈞回頭看見一西裝少年。大約是赴日留學的學生。即與之攀談。那學生請教姓名。烈鈞也不隱瞞。直說我是李烈鈞。那一位是黃興。學生一聽發出一種崇拜的態度來。向李黃深深鞠躬云。偉人當面。險些錯過。烈鈞便問高姓大名何處人氏。學生道在下姓熊名克武。曾在日本留學數載。學習陸軍。今春因病回國。現在病愈。我今東渡。再學習一年。回國後爲國家辦事。烈鈞看他相貌魁梧。精神飽滿。也是不可多得之人才。因就引爲知己。結了異姓金蘭。黃興居長烈鈞居次。克武行三。一若劉關張桃園結義故事三人便同棹暢飲一番而歇。越日輪抵東京碼頭。三人一同上岸。克武入學不提。烈

黃興先至日友籐田三郎處過訪。談了一番革命失敗事。歎歎者良久。籐田本與黃興同學。友誼頗深。解勸了一番。留在家中住宿數月。忽接孫文電云。袁世凱大捉民黨中人。捕獲者即加土匪罪名。立即鎗斃。死者不下百人。言之痛心。今有胡漢民等。二十餘人。喬裝來日。匯上洋五千元。祈預備服裝。某日在輪埠招待云云。及期果見許多同志。聯袂而來。同聚旅館中。開一歡迎會。即有胡漢民報告。近日我黨被政府摧殘之經過。聞者莫不流淚。就大家商議。從前我等同盟會。也在日本起發。現在正可整頓會務。李烈鈞道。同盟會三字。中外皆知。早爲袁世凱所忌。還是改名爲妙。大家商議。改爲國民黨。並電中山徵求意見。黨魁一席。仍推中山爲領袖。黃興爲駐日會長。李烈鈞爲副會長。胡漢民爲總幹事。熊克武爲文牘。分電國內同志不提。原來袁世凱自二次革命平定之後。十月內

選舉正式總統。袁當選爲大總統。黎元洪當選爲副總統。從此解散國會。驅逐議員。取銷國民黨各機關。創設政治會議約法會議。頒布新約法。設置參政院。改國務院爲政事堂。任徐世昌爲國務卿。徐字鞠人。天津縣人。天津近東海。故稱爲東海。由前清翰林院。仕至東三省總督。內用爲軍機大臣。前清退位。徐以遺老自命。袁欲聯絡前朝故吏。故任之爲國務卿。徐於民國三年陽歷五月一日欣然就職。整理國務。舊任之閣員。皆遭摺棄。所任者。皆舊官僚派耳。一年之間。民黨人物淘汰殆盡。宇內均屬自己爪牙。凡事可以任所欲爲。一日向徐世昌探試道。鞠人乃前朝故老。學識宏深。民國成立已經數載。共和成績不過如是。國事前途。異常危險。請鞠人設法挽救。徐早揣袁有稱帝之心。從容進言曰。我國四千年來。歷代以帝制相循。人民方自統系。民國共和已經四載。內患叢生。

外侮日甚。反不如帝制之安靜也。全國人民。望治若渴。勢力能拱制全國者。舍元首更無他人。如能毅然改進。左右皆足佐命。古語云天與不取。反受其殃。鄙人菲見。請元首思之。袁掀髯大笑曰。鞠人言論正合吾意。此謂英雄所見略同。將來進行。望君臂助。徐滿口應承。辭出。於是暗使梁士詒。周自齊。朱啓鈴。楊度。孫毓筠。顧鰲。薛大可諸人。建設籌安會。上表勸進。梁借巨款八千萬以爲籌備大典用費。袁克定九頓首以謝。時有財神之稱。竭力運動各省欲其贊成帝制。然各省反對之聲浪甚高。屢次來電。皆被徐世昌扣留。又恐日後漏洩。進退維谷。今當早自爲計。向袁托故請假。袁始慰留。徐曰。天心所授民意所歸。見義自當勇爲。我已衰頹。願爲盛世之民。目覩郵隆足矣。乃再三乞假。袁以徐爲我等先輩。不願稱臣。故以請假爲辭。面諭之曰。嚴子陵光武之故人也。光

武不敢臣之。今又何敢臣卿。卿爲老夫之友可耳。遂准其假。袁私心自揣。以爲他人不足慮。外之有兵力者。惟黎元洪。內之典陸軍者。惟段祺瑞。此二人如起反對大爲可憂。特使阮忠樞乘間說段氏段厲氣斥之曰。是何言也。阮密告袁。袁又遣人示意於黎。黎則默中示反對。袁忌之。陰嗾駐鄂之北軍。勿受黎氏節制。黎不自安。密請入覲。乃派王家襄等。親至武昌。甘言厚辭。以迎黎氏。即命段祺瑞兼領湖北都督。袁本一舉二得。一面使段離開陸軍部。爲調虎離山之計。一面引黎入我掌握中。爲一網打盡之思。其用意可謂周密之至矣。元洪至京。謁見袁氏。袁氏大喜道。此次來京。共領幾位隨員。答道黎某向來不注重幕友。只領衛兵五百名。以便照料。袁笑道。足下旣爲副座。京中衛卒很多。可由老夫撥給。較爲妥當。免得遠來客軍。與本地軍界發生衝突。明日當撥精壯衛卒五百

人爲足下驅使。帶來鄂軍。不妨就此遣回。元洪早知其用心。並不推辭。由此住在京中。終日閑散。仍不干預國政。袁時時派人偵其行動。元洪明知故昧。也不理他。袁之二公子克文。同元洪十分相契。兩下時常走動。見他父親對待元洪之意。代爲吃驚。一日兩人無事下棋。克文即將其父謀害之意。告知元洪。元洪亦不介意。後被袁氏偵知。大怒。要想結果元洪。又無確實證據。恐天下恥笑。況元洪在民軍內。首屈一指。如無故加害。激起公憤。爲禍不淺。左右尋思。把二公子趕回項城。無事不許來京。由此以後。更視黎爲眼中釘。急剪除。是夜有二更時分。元洪在室中默坐擬思。忽聞窗外砰然一聲。將對面玻璃打破。元洪呼家人查看。只見天井內有一屍首。被炸彈炸得血肉模糊。將此人身上搜尋。有一封書信。隨即展開讀曰。自效鉏耨死。可救趙盾生。元洪會意。暗暗爲義士太息。吩

咐家人。不許聲張。棺斂掩埋。元洪自此不出門一步。總是默坐參禪。袁見炸彈無效。便立意暗暗拘執。教他無力反抗帝制便了。袁又以武昌地方重要。不欲段氏久居。以段芝貴署湖北都督。調段氏回京。另有任用。段氏去職下野。袁時時偵察其行動。段幾失其自由。袁氏盜國之惟一政策。在聯絡日本。日人乘勢。以二十一條之最苛密約。要求其承認。並以最後通牒。迫壓政府。限二十四小時答復。袁氏急於稱帝。竟允日本之要求。以爲承認帝制之交換條件。段氏憤袁稱帝。又憤日要求。遂通電各省。主張與日宣戰。亦未發生效力。袁氏聞而笑曰。芝泉老友。去則去耳。何必出惡聲哉。由是監視段氏益嚴。袁見黎段皆無能爲。可以毅然稱帝。以自豪。乃其意中。尤有至爲可慮之一人在。其人爲誰。姓蔡名謨。字松坡。光復時做過雲南都督。此人胸懷大志。腹有良謀。有包莊宇內之

思。吞吐八荒之志者也。已授爲陸軍中將職銜。現在京中。袁派偵探數十名。暗地偵其行動。決不放他離京。此時擺佈停當。萬無一失。乃使籌安會人。製造輿論。各省各界。請其早正帝位。以安人心之電報。紛至沓來。以爲醞釀成熟。遂改元洪憲。頒布天下。以民國五年爲洪憲元年。封黎元洪爲武義親王。每月賜俸二千元。黎再三辭退。不敢受命。月俸分毫不取。封徐世昌。趙爾巽。李經羲。張謇。爲松山四友。暗比南山。四皓。入朝不稱臣。覲見不拜跪。其籌安功臣皆加官晉爵。命各省繁盛之地。組織提燈各會。慶賀中華帝國成立。此會以天津爲最盛。街街巷巷。懸掛龍旗。百姓歡呼君主復現。而袁氏皇帝之大夢以成。

第四章 雲南反抗袁世凱製造洪憲之時代

蔡松坡見袁稱帝。雖不如意。而身居虎口。不敢有所表示。只得暗

思脫逃之計。與其夫人商妥。僞爲夫妻反目。涉訟警廳。蔡決意離婚。家私一概不要。務須立時逐其出京方始了結。其夫人盡帶家私赴滬。而蔡無內顧之憂。每日花天酒地。挾妓宿娼。眞如輕薄少年一般。逢人便談風月事。絕無半點政治臭味。偵探將其近日情形。稟明袁氏。袁喜其不問時事。遂不甚注意。一日蔡聞三貝子花園。大開遊戲場。任人遊玩。門票二角。蔡思要想脫身。非乘此時不可。主意已定。暗遣心腹差弁。僱馬車二輛。叫一輛暗停花園後門以外。囑咐差弁。有人盤問。勿說是我所雇。差弁領命照辦。他在家中。出來大明大白。坐一輛馬車。往三貝子花園遊玩去了。衆偵探暗暗跟在後面。一步不離。進了花園。大聲招呼道。我今在花園陪客。吃酒。約有四五個鐘頭方能回去。你將馬車住在前門外等候就是。時刻大了。多賞你酒錢便了。車夫連忙答應。是了。是了。蔡

鐔進了花園坐下。叫堂役先泡一壺茶來。吃了二盃。又叫拿幾樣酒菜。自酌自飲。看看手表時辰尙早。這班偵探見他吃酒。也各自去頑耍了。蔡鐔見偵探走開。假意裝做醺醉樣子。伏在桌上。細看手表。火車時刻已至。隨即離桌出花園後門。上了馬車。換了服裝。那馬車如飛。跑到京津車站下車。給了車錢。擠在衆人叢中。打了車票。將巧上車即開。斯時蔡鐔如開籠之鳥。得水之魚。直奔天津而來。再說這班偵探。恐蔡鐔偷走。到花園門首看那馬車尙在。諒他未回。又到原處頑耍。一見天色不早。進園查看。不見蔡鐔。跑到門首。仍見馬車。遂問車夫蔡老爺到何處去了。車夫答道。未見出來。偵探又到園內四處找尋一徧。踪跡全無。急忙回去奏明洪憲皇帝。袁氏聽說大吃一驚。隨即拍電到天津車站。船局。將蔡鐔年貌衣服註明。於電報內。直如畫影圖形一般。捉住蔡鐔。押送來京。

自有陞賞。那知蔡鐸機智甚深。他明知必有明令通緝。但未到車站之先。即換一身衣服。且又行蹤詭秘。所以各處皆未能查獲。他每日於未起身以前。發電到北京。報告袁世凱。說今日到了何處。明日到了何處。你好好做皇帝罷。蔡鐸由北京。到天津。到上海。到漢口。到雲南。一路共改了十七次服裝。發了二十一個電報。氣得袁世凱暴跳如雷。無籌可展。蔡鐸到了雲南地界。即拍電與雲南都督唐繼堯。告知在京逃走情形。唐與蔡本有師生關係。接得電報。傳知各州縣長官。沿途妥爲保護。一體派兵護送。蔡鐸到了省城。唐都督帶屬員早在車站歡迎。將蔡先生迎到府內。即擺盛宴。爲蔡先生接風。所有一切經過情形。徧告於唐繼堯。唐亦否認袁氏僭號之行爲。次日召各級軍官。開軍事會議。蔡主席提出袁氏罪惡。當衆宣佈。各軍官憤憤不平。公決出師申討。推蔡爲護軍總司令。

唐繼堯爲副司令。通電各省宣布袁氏拾大罪狀。要求各省一致出兵援助。雲南即日宣佈獨立。編成十個師團。號爲北伐護國軍。不日興師北上。袁氏得此雲南獨立電報。自思道。明知蔡鐔一走。實爲大患。如不早日扑滅。後患何堪設想。然而雲南地方。山路崎嶇。十分險峻。非派得力軍隊。兵精餉足不能即時扑滅。先命梁士詒籌辦兵費。梁以交通銀行獻不足。則取給於中國行。而中交兩行。遂爲袁氏之私庫。基金現款。任意提用。濫發紙幣。吸收現金。後演出停止兌現之怪狀。隨即調陸軍第三師師長曹錕。與十七師師長張敬堯。帶領部下全師。即日出發。加封張敬堯爲討虜軍總司令。曹錕爲副司令。那曹錕字仲珊。原是天津大沽人。兄弟五人。伊行三。家道貧寒。未曾讀書。後來設法湊幾文本錢。賣布爲生。性嗜酒。賺了錢即飲酒。其隔壁鄰居有一先生。姓熊名珍。善相法。時常

說道。你眉貌清奇。身體魁偉。將來必掌大權。你尋個機位。或投軍界。或政界。後來必做高官。曹記在心。減價賣布。湊足川資。辭別兄嫂。到北京投營。營官見他辦事老誠。竭力提拔。未有幾年。已升到營長。袁充練兵大臣時。各省陸軍皆調到小站操練。袁見其心田渾厚。收爲心腹。迨民國成立。曹升到旅長。及袁爲總統曹爲師長矣。此是曹錕一篇小傳。今與張領命回營。佈置一切。兩枝兵即日出發。大軍到了四川。張敬堯駐在四川。曹錕駐在瀘州。按軍事行動。佈置防務。劃出防線。十分完備。再說唐忽見偵探報道。北軍已到。分駐重慶瀘州。正司令張敬堯。副司令曹錕。各率一師人馬。請大人示下。蔡唐聞報。便令再探。蔡謂唐曰張敬堯素不知兵。更兼曹錕是一庸才。不善指揮。必殺他片甲不歸。使他不敢小覷我們。唐曰請先生坐鎮省城。學生願率一旅之師。逐北軍出境。

。蔡曰。北軍既分二路。你我各率部下。分頭攻擊。於是唐繼堯攻重慶。蔡鐸攻瀘州。單說蔡鐸帶一混成旅。派旅長楊光漢爲前敵指揮官。到瀘州駐紮停當。埋鍋造飯。休息了一日。次日晚十鐘。蔡鐸親赴前敵指揮。命步兵散開。下了快放的命令。鎗砲齊施。向北軍攻擊。曹錕時刻提防。聽外面砲响。將兵目散開。實地抵禦。雙方戰了一夜。未分勝負。蔡鐸見北軍悍勇善戰。只可計取。難以力敵。由前線退下。命楊旅長。帶一營步兵。抄到北軍後面。襲擊後方。斷敵歸路。楊旅長領命。用二架機關槍對準了北軍後方。猛力擊射。北軍已戰一夜。勢不能支。正要設法退下。忽聽後面砲响。一齊吃驚。前後受敵。陷於絕地。如何是好。蔡鐸見北軍背後子彈射來。知是楊旅長已到後方。不乘此時擊退北軍。更待何時。命號兵吹衝鋒號。自己將指揮刀一舉。各軍奮勇向前。有進無退。喊殺

之聲。震動天地。北軍見來勢勇猛。安能抵禦。紛紛向後退走。四處潰散。曹錕見此光景。心中焦燥。將手槍舉起。大聲呼道。如有棄軍逃去者。立時槍斃。各目官奮力抵禦。又戰了二個鐘頭。南軍四面包圍起來。北軍無處可奔。多半繳械投降。曹錕見南軍緊緊逼來。難出重圍。正在束手無計之時。忽見後面南軍紛紛退走。又聽得後面砲响。向南軍擊射。未有片時。南軍一概退走。曹錕抬頭一看。早見吳佩孚領一支步兵。從後方攻來。曹錕大喜。即向吳佩孚說道。本司令已戰了二日。力盡精疲。請貴營長上前稍爲指揮。將全隊收回。佩孚帶部下目兵。增加前綫。立時兵力雄厚。南軍見此生力軍。亦不敢向前猛扑。雙方鳴號收兵。各歸本營。原來吳佩孚爲營長。曹錕派其看守料草子彈。駐在後面。吳見曹兩日未回。諒必雙方鏖戰。爲敵人所困。特帶一隊步兵。前去探看。聞南軍抄北

軍後路。吳氏深通戰法之人。即率全隊上前奮鬥。纔將南軍擊退。救出曹司令來。曹方知吳之戰法學。很有研究。佩孚字子玉。山東蓬萊縣人。幼失怙恃。門庭衰落。賴兄嫂撫育之力。長大成人。入塾讀書。天資甚是聰穎。兄名子瞻。竊喜曰。吾弟狀貌魁梧。資質聰敏。苟有良師。前程未可限量。爲之訪一名師。及門受業。遂蒸蒸日上。幾有一日千里之勢。至某歲。姚丙然督學山東。一試而得案手。兩試秋闈不售。慨然曰。顧亭林有云。天下興亡。匹夫有責。當此強鄰逼視之秋。賠款於列強者數百兆。割地於東鄰者數千里。而覺羅氏之莫雌。猶肆情娛樂。以軍備之要需。供園林之建築。以致中東一役。吾國海軍一敗塗地。際此國家艱難。草莽英雄。躍躍欲試者。不可勝計。默察時局不久。必有絕大變更。大丈夫具此昂藏七尺之軀。當謀救國圖強之道。焉用是尋章摘句。爲至於重文

輕武。雖屬吾國之習慣。然歷觀往史。凡旋乾轉坤之豪傑。大半出於披堅執銳之人。識時務者爲俊傑。奚必爲此惡習所限。被文明先進國所訕笑耶。旋入保定武備學校畢業之後。教員靳雲鵬。薦之於江北提督王士珍。命爲差官。庸庸無所表見。吳不以爲嫌。奉命維謹辦事。能恰如人意。士珍漸信任之。及士珍丁艱賦閑。轉薦於吳祿貞。斯時祿貞爲七鎮統制官。新軍將才之第一人也。見吳與之言大悅。吳服其將才之傑出。更請執贄爲門下士。祿貞見其少年英俊。有志學業。常循循教誨之。閱一年獲益非淺。及祿貞被刺。佩孚爲第三師某營營長。隸曹錕麾下。今隨曹錕入川。是以得救曹錕回營。曹遭此一敗。心中十分焦悶。一日夜間雨雪大作。寒氣侵人。路上泥濘不能行走曹錕在營內擁爐烘火。只見吳營長到面前請過晚安請出兵劫營。曹以爲天冷難支。心甚游移。吳曰兵書云。出不不意

。攻其無備。可獲全勝。今天風雪寒冷。諒他必無準備也。曹知其軍事學頗好。即說道。貴營長既願進兵。命你爲前驅。本司令在後帶隊救援。吳領命即時出發。命各隊銷聲屏氣。抄到敵人防線內。突然進攻。不准捨地下遺物。曹見吳調度得方。大爲佩服。當率各隊悄悄進發。再說蔡鏢見夜間雨雪交作。北風大吼。觸目驚心。大爲詫異。值此昏黑天氣。倘敵人前來劫寨。爲之奈何。回到中軍。召集全營下級官長。當面宣諭。今夜雨雪交作。恐敵人乘我無備。前來劫營。望各官長準備禦敵。切莫疏忽。各官長答道。司令未免過慮。今夜如此昏黑。行路也覺爲難。安能打仗。此刻各軍因天氣過冷。早皆安睡。何能大驚小怪。將他喚起。蔡鏢聽罷。吃驚不小。說道爾等疏於防守。必爲敵人所制。望各急速回營準備。要緊要緊。衆官長答應退下。總不以蔡司令言語爲然。回去各也安歇了。

蔡司令爲自衛計。將跟前一連衛隊。調齊在左右埋伏。又安置過山砲兩尊。機關槍兩架。以爲掩護之計。佈置尙未停當。聽得外面槍砲齊施。聲振耳鼓。蔡司令情知不妙。率衛隊上前抵禦。那知各營目兵。正在鼾睡。毫無準備。北軍向前猛攻。破寨而入。直到護國軍營內。各目兵被砲聲驚醒。連衣服也不及穿。赤體逃走。飲彈而死者。不計其數。各官長才知蔡司令識見高超。料敵如神。再想整隊抵敵。也不能夠。只得逃走。保全性命。蔡鐸此時將目兵。一齊散開。伏地開槍。抵禦北軍。前敵乃是吳佩孚親自帶兵攻入。逢人便殺。遇兵即砍。左冲右突。如入無人之境。將到司令部中。忽見有兵抵敵。亦不敢前進。隨即散開目兵。實地接戰。後面曹司令援隊又抄到左右二翼。蔡鐸只有一營護兵。安能久支。不得不向後退。惟將大砲門門。與機關槍挺簧卸下帶走。拋下軍械無算。吳佩孚知

蔡鏗戰法頗好。恐有埋伏。亦不追趕。佔了二軍防綫駐紮。單說蔡鏗率領殘部。逃到鄉村之上。點查目兵。只剩一百餘人。餘皆死亡。心中不忍。不由落下淚來。護兵勸道。大帥不必灰心。勝敗兵家之常事。何必介意。請大帥整隊進城。調兵報復。蔡鏗歎道。我早料到此舉。其奈各官長俱不以吾言爲然。致令一般健兒。葬身於沙場者不知凡幾。諸君爲我一人。受這種顛沛。若有他處可投。請諸君各隨其便。吾將軍事稍爲收拾。也就遠走高飛。埋名隱姓。決不再問國事也。衆人齊向蔡鏗說道。吾等在部下。効力至今。未有二心。前日之失。是各官長疏於防守。決非司令見解不到。吾等何敢怨望。請司令整隊回城。吾等悉聽指揮。願効死力。以報前日之失。蔡鏗見萬衆一心。仍無怨望。尙可再圖後舉。心中暗喜道。諸君這樣擁護蔡某。我與諸君生死與共。患難相同。隨令副官。收集殘

部。準備進城。調隊恢復。正要拔隊。忽見西南上來了一隊步兵。旗幟鮮明。步法齊整。派人上前探視。原是唐繼堯親領軍隊來援。却說唐繼堯在重慶。與張敬堯鏖戰多日。無分勝敗。雙方保守原有防線。近日見瀘州敗兵逃來。方知蔡司令失敗。即將軍務交副官代理。帶一團隊伍。往瀘州解圍。恰遇蔡司令回城。唐上前參見。蔡大喜。一同進雲南省城。重行整理軍務。再說曹錕得勝。自矜功大。將部下隊伍。調駐漢皋。外表似防守漢皋要地。其實因此地有個名妓。叫花寶寶。曹聽人言。可謂世界上獨一無二之美女。是以欲到此一觀芳容。以了平生之願。晚間換了便衣。悄悄到花寶寶家去。去了二次。均未遇見。這花寶寶素怕丘八爺。今見北軍駐在漢皋。他早收了招牌。避往鄉間去了。本地有一個光棍。名叫劉四。他見曹錕去了兩次。必是心愛花寶寶。若能將花寶寶帶到他面前。必然

可以發財。心生一計。印了兩張名片。借了一套衣裳。人人物物的進了曹營。取出名片。請衛兵傳稟曹大人。有要事相商。曹錕心中正想與本地紳士接洽。以爲將來好辦花寶寶的事情。見了名片。即命請進。衛兵出來說有請。劉四大搖大擺進了司令部。曹錕即忙相迎。命坐看茶。問道未知劉先生到敝營。有何貴幹。即忙答道。蒙大帥駐此。本地百姓皆感大帥保護之情。學生特邀幾位紳士。在花寶寶家備個薄酌。請大帥駕臨。稍慰鞍馬之勞。未卜大帥能賞臉惠臨否。曹錕聽見花寶寶三字。如同萬年窮得了一錠金子一般。忙問道。劉先生方才所說花寶寶。他可曾在家麼。劉四答道如大帥屈駕前去。學生自可設法將他帶回家中。以助酒興。曹錕聽此話內大有寓意。忙說道。本司令駐防以來。本願與紳士聯絡感情。既蒙貴紳士有此厚意。本司令焉能不去領情。惟先生所言設法。將花寶寶帶

回。請問有何妙法。劉四暗想道。不過是以酒席爲由。他若當真吃酒。無有酒吃。那時反爲不美。不如在此時與他說明。免得受罪。主意已定。向曹錕道。大帥要知妙法。請屏退左右。曹錕心也明白。忙命左右退下。劉四道。花寶寶最是胆小。他聽說大人去了兩次。他早嚇的藏了。學生向他母親說。曹大人親來二次。你這面子十分足了。你女兒如服侍大人合式。准能多賞幾元。比平常客勝強十倍。其母親已應允了。學生知他女兒所藏之處。明日大人前去。學生可設法將他帶到大人面前。那時就在大人本領維持。他本是妓女性質。焉有不從大人之理。適才所說。請大人赴宴。不過是表面話而已。望大人要恕學生之罪。曹錕聽罷。滿心歡喜道。你爲我私事前來幫忙。事成之後。還要重賞。何罪之有。明晚前去。你可照辦罷。劉四辭出而回。明日晚間曹錕前去。劉四見曹錕到了。接到花寶

寶房內。向曹錕耳邊低聲說道。請大人在此稍坐。如有人問。勿提找花寶寶三字。曹錕答道是。劉四找到花寶寶所居之處。用了個閃電穿針之法子。跑到跟前。說花姑娘恭喜你。財運到了。花寶寶說道。我倒竄多少日子。何喜之有。劉四道。東街上源泰木廠。有一上客。叫陳萬隆。說好今晚在你家住夜。出大洋十元。你母親叫我前來帶你回去。明早你再出來不遲。花寶寶一聽。喜不自禁。即隨劉四回家。一進大門。見他房內燈燭輝煌。便招呼道。陳老爺等急了。奴倍罪來了。說着進到房中。見有一大頭男子坐着。劉四道花寶寶到了。請大帥賞識。曹錕一看。年約十七八歲。真是比花花解語。比玉玉生香。不住的上下向他細看。花寶寶已到曹錕面前。不得不請示姓名。問道這位老爺尊姓大名。奴家特來請安。曹錕見花寶寶輕啓朱唇。嬌聲嫩語。那一種風流態度。世間少有。早已魂飛

天外。即忙說了姓名。花寶寶知是大帥到此。格外恭維。叫娘姨獻茶。花寶寶善於手口。孤過琵琶唱了一齣出馬。曹錕聽得不住口的誇好。隨掏出十張鈔票送到花寶寶面前。說這幾個茶資。送你買茶點吃。花寶寶那裏敢受。說道今日大人駕臨敝舍。甚爲簡慢。大人能恕罪過。妾就感恩不淺了。安敢受賞。曹錕說道。這是些須小事。明日還要大大的賞你幾元。花寶寶再三推辭不脫。只得領謝。當晚就住在花寶寶房中。後來到營內。由劉四向花寶寶之母親說辭。曹錕給了五百兩紋銀。外謝劉四五十兩。曹錕每日只想花寶寶。甚麼軍情他也不問。再說蔡鍔。在城內調齊三萬人馬。器械完備。悄悄前進。將各隊埋伏停當。派了多數步兵。到北軍陣前誘敵。曹錕不知是計。命各隊散開迎敵。曹錕親往戰綫指揮。只聽號礮一聲。四面伏兵齊起。將曹錕團團圍住。曹爲所困。左冲右突。不能殺出重

圍。正在危急。蔡鐸在高埠上將手鎗舉起。對准曹錕打來。槍尖稍低。子彈打中曹錕坐下的馬腿。馬倒地。將曹錕摔出多遠。又見子彈如雨點一般打來。曹錕自知性命難保。向前了扒兩步。再看腳下皮靴。被手槍將底打穿。不由心驚胆戰。要想逃走。又見子彈猛厚。頭不能抬。危急萬分。也是天不滅曹。只見斜刺裏來了一人。身騎白馬。到了跟前說。將軍快隨我出來。戰線已破。防地皆失。趕快逃走。再作計議。曹錕一見是張敬堯來救。隨他逃走。那班潰兵。四散奔逃。拋槍棄械。尸橫遍野。叫苦連天。慘難入目。曹張二人退到安全界內。收集殘部。派員到北京求救。袁聞兵敗消息。以爲有陳宦在川。湯薌銘在湘。尙不足爲慮。俄而川叛。俄而黔叛。俄而兩廣獨立。曹張南征軍隊。到處騷擾。湘鄂兩省。都與中央有惡感。陝西陳樹藩。受段意旨。逐去陸建章。晉豫之交。有岌岌

不可終日之勢。黎元洪忠告袁氏。謂欲挽危局。非起用徐段撤兵議和不可。袁知事不可爲。皆許之。以手書邀徐段入宮。共議大計。力請重入樞府。挽回大局。徐氏許之。乃免陸徵祥。以徐爲國務卿。段爲參謀總長。而李純。靳雲鵬。馮國璋。張勳。等聯電促袁取消帝制。以安人心。袁不得已。取消洪憲。仍爲總統。共計爲帝八十三日。眞流產皇帝也。徐段聯銜電致蔡鍔。陸榮廷等。謂帝制取消。請圖善後。而南方謂袁謀叛民國。已失總統資格。決不承認。徐見無效。勸袁規復內閣制。以回民意。謂段與北方將帥。情誼最孚。若任爲總理。必能收拾時局。袁亦自知己爲怨府。不能服人。遂委段爲國務卿。名曰責任內閣。以示脫去總統制。方段之統軍南下也。夢神人曰。此去當大貴。段問貴至何等。神曰秉國鈞也。段曰爲相國耶。神曰實是名非遂醒。及就內閣。又夢此神來。乃悟實是名非。

者。即指此也。從此信夢殊甚。段氏出而組閣。所任閣員。皆帝制餘孽。以此通告南方。故仍無效力。而梁士詒以中交兩行現銀。供袁氏揮霍殆盡。乃通段頒停止兌現。院令先發制人。由是北京金融。遂形奇緊。袁憂忿成疾。日篤一日。召徐世昌至榻前曰。菊人請坐。余爲羣小所賣。至有今日。國事自有依法承繼之人。宋卿雖非治國才。君與芝泉輔之國事。不難收拾。所慮者孤兒寡婦之生命。託君保佑之。言罷淚下。即命于夫人率諸妾及兒女等。衆趨前羅拜。世昌忙答拜曰。請總統善保玉體。闔府生命余當保險。徐辭出。夏歷五月初六日。袁逝世。時年五十八歲。副座黎元洪。承繼總統就任。袁初爲總統時。遣使問於張天師曰。予當享年幾何。天師書一香字。以答之。香字者。千八日也。今五年而卒。共爲一千八百日。

第五章 張勳復辟黎元洪進退維谷之時代

黎黃陂宣誓就任。段氏主持內政。其惟一要務。即爲南北統一。取消各省獨立。而其時尙有三大問題。爲之阻力。一新舊約法之爭。二召集國會。三懲辦帝制黨。北京政府爲速求統一起見。不得不順承南方之意。以總統命令。恢復民國元年約法。三年之新約法。即時廢止。是第一問題。業已解決。第二問題。亦由總統下令。略謂中華民國國會。自二年一月十日停止以後。時越兩載。迄未召復。以致開國五年。憲法未定。大本不立。庶政無有進行。亟應召集國會。速定憲法。以協民志。依臨時約法第三十五條。續行召集國會。定於本年八月一日起。繼續開會。此令一下。議員張繼。孫洪伊。谷鍾秀等。通電各省議員。限期齊集。北京法定人數既足。參眾兩院。同時開會。大總統蒞會宣誓。而統一之功告成。國會既集。

共和復活。由段氏依法組織。責任內閣。唐紹儀長外交。孫洪伊長內務。陳錦濤長財政。張耀曾長司法。范源濂長教育。張國淦長農商。許世英長交通。程璧光長海軍。陸軍則由段自兼。合官僚民黨。中立各派。而成一混合內閣。改巡按使爲省長。政治犯一律釋放。第三問題。亦下命令略謂國體變更。全國紛擾。首禍諸人。實尸其咎。楊度。孫毓筠。梁士詒。顧熬。夏壽康。朱啓鈴。周自齊。薛大可。均著拿交法廷嚴行懲辦。其餘一概寬免。於是肇慶軍務院。同時由蔡唐等宣告撤消。而段氏遂爲重建民國之偉人。斯時內務孫洪伊。爲公府所信任。而徐樹錚以陸軍次長。兼國務院秘書。二人積不於能。遂引起府院之衝突。徐爲段氏之門生。有文武兼資之目。孫亦同盟會中健將。黎氏之不附帝制。孫氏之謀居多。隱然執公府之牛耳。各不相下。遂成嫌隙。以致公牘有誤。黎段不能制。迎

徐世昌爲調人。老徐謂芝泉自信太甚。而黃陂左右非人。乃詎議將孫洪伊免職。而使徐樹錚辭院。秘書府院之爭。雖告一段落。而黎段之感情。終難融洽。及提出對德絕交之案。而黎段遂形決裂。蓋歐洲戰爭已非一日。德人恃強。宣布無限制大戰爭。美國首先抗議。當袁氏時專心帝制。無暇對外。僅宣布局外中立。及袁僵黎代。段氏用梁起超之謀。主張加入協約。對德絕交。爲宣戰之預備。黎不允其請。秘書饒漢祥。反抗尤力。段氏益憤。必欲貫徹其宣戰之主張。國會亦表示反對。故段氏提出宣戰案於國會。卽指使乞丐團包圍衆議員。議員雖經包圍。仍議決從緩宣戰。段氏以國會之牽掣爲總統指使。遂由督軍團通電。倡解散國會之議。黎不能復忍。毅然免段氏之職。而代以伍廷芳。段氏即日赴津。發布通電。段派督軍楊善德。首先獨立。倪嗣冲張懷芝等繼之。公推張勳帥師北上。

且說張勳自駐節蚌埠。迨袁項城病沒。即借擁護中央之名。開徐州會議。其議決之條件。第一則爲尊重優待清室之成約。次則爲因法團體務取同一之態度。三則爲嚴整兵備。各保本省之治安。而復辟之密計。即隱括於此。三種條約之中。及選舉副總統之前十日。張勳又開第二次徐州會議。名爲聯合各省區。籌議地方治安。實則對於復辟。爲進步之討論。其會議狀況。假徐州鎮守使署爲臨時會場。各省代表紛紛到齊。開議時。張勳主席。報告開會宗旨。提出復辟事件。張勳在講臺上說得清清楚楚。不忍忘帝厚恩。說到收場。潛然淚下。各省代表皆拍手贊成。張勳當命秘書寫好條約。宣讀一次。即請各代表簽字。後有康有爲。徐世昌之代表。演講清帝。待漢人之厚望。代表致意。各督軍就說我等回京。將今日會議情形。舉明徐康兩位大人。即在京籌備進行方法。時機一到。即可實行。

所可慮者。今日會場皆係北方代表。而無南方之人。若南方起而反對。務祈各督一致出兵。對待南方。各代表同聲遵命。於是公同議決。各守秘密。以待時機。會散各回寓。次日辭行回省。張又寫了三封密切公函。交三代代表帶回。致康徐段三人。康有爲本是保皇黨首領。一見復辟議決信件。即進宮安慰隆裕太后與宣統皇帝。宣統聞之亦覺歡喜。惟隆裕乃是驚弓之鳥。即向康有爲說道。你可致意徐東海。須審慎出之。不可鹵莽而行。教我母子受驚。康跪奏道。請太后放心。既有徐元老與臣維持。決無冒險舉動。辭出告知徐世昌。而世昌自見張勳公函。即暗忖量。如復辟實現。有人反對。豈不又受物議。不如吾先回天津。等張勳入京。扶宣統登殿後。必有聖旨請我出山。我再進京。固免物議。亦免許多危險。足見其老奸巨猾。手段過人。段祺瑞本不贊成帝制。今見張勳公函。議決復

辟。代表業已承認。不好遽然聲張反對。只得觀其動靜。再籌應付之策。適逢黎免段氏之職。督軍團公推張勳入京。名爲排解政潮。實則進行復辟。張勳見時機已至。擬帶全軍北上。督軍團以爲直方軍隊甚多。至必要時。皆可調用。何必全體開拔。致徐州空虛。張以爲然。只帶四十營。堂堂北上。黎總統派代表至車站歡迎。張勳下車。即到前鋒司令部駐節。檢查各處防守。十分完備。其司令部設在天安門。上神武門。東華門。西華門外。皆派兵把守。餘皆紮在天壇一帶。隨進宮見隆裕皇太后。行三跪九叩首大禮。當面奏道。臣與京外各省。訂好條約。一致贊成。仍請聖駕登極。恢復山河。京中各處兵防。臣已布置妥當。請太后與陛下臨朝受各大臣朝賀。以安人心。太后問道。汝今爲何事來京。答道。專爲此事而來。臣與徐康二元老醞釀至今。各省勾合。在徐州會場上。各省代表皆

當面簽字。臣是以帶精壯軍隊四十營到京。現在各隘口駐守。防備得十分嚴密。萬無一失。太后道。你到京可與徐段晤面否。對曰。臣因押隊來京。未暇去訪。太后又道。你到京可見黎總統否。答曰。因佈防忙碌。未暇去見。昨夜有康大人到臣營內。面商一切。太后面諭道。卿與徐元老。康大臣三人。爲我清室江山。費盡心血。哀家甚爲感激。今番復辟。哀家見徐世昌。辦事手段十分穩健。因他再三進宮。與哀家面商。方纔承認。你今草草帶兵入京。又未與徐段會面。據你所言。承認者。不過北方代表。一經實行。黎公必通電國內。就是北方不反對。南方必出兵北伐。此是後患可慮。若論目前。你不過帶四十營軍隊。段氏雖與你有約。我恐段氏之靠不穩也。倘段翻過臉來。四十營軍隊安能與段氏較量乎。如徐世昌來京。段氏屬其後輩。量他不敢違忤。如徐不來。憑你四十營武力。我母

子決不從命。張勳道。請太后大放寬心。臣即發電請徐進京。至段祺瑞是同謀之人。他不助臣出力。臣也用不着他。如太后恐兵力不足。臣發一電。再往徐州調兵。請太后收拾儀仗。後天是黃道吉日。請聖駕登極。太后見其十分誠懇。也難過拒。又說道。你可親至天津。迎徐世昌來京。主持這件事務。順便回徐州。調兵防止內患。否則斷難承認。張勳見太后吩咐下來。即答道。太后懿旨。臣當遵辦。張勳辭出。去見黎總統。黎氏甚謙遜。向他慰諭道。紹軒不辭勞苦。保護京畿。鄙人感念之至。刻下國是梟張。鄙人雖爲總統。如蠶繭自縛。一切功令難出公門一步。今實處於四面楚歌之境。望紹軒設法維持。張勳厲聲道。宋卿所言。予亦盡知。你既領教過各督軍手段。就該覺悟。此皆是民國共和之成績也。民國成立。今已六載。各督擁兵自恃。奄似五代時瓜分之氣象。予見此前途危險。

。若不實行整飭。恐將來不可收拾。是以在徐州會議。一致贊成復辟。原物仍歸舊主。當場公推我。帶兵入京。擁護宣統復位。請總統將國會解散。即日退位。將總統印綬。交我帶進清宮。請清帝焚燬。宋卿若肯贊助。當受清帝特別封賞。總統暗吃一驚道。紹軒既爲復辟來京。其忠勇之心實堪嘉許。只要他人一致贊成。予即通電退位。紹軒速扶宣統登殿。予將印綬當殿繳銷。你速回營籌辦。張勳見他滿口應承。大喜而出。黎氏此時孤掌難鳴。無法可施。只得解散國會。下詔退位。通電南北各省。自入日本公使館逃避。自通電發出以後。北方各督。皆無動靜。惟南五省督軍。接電驚駭。各派代表勾結北伐軍隊。再說張勳。一面派副官回徐州調兵。一面赴津邀徐。備將前事述說一遍。催徐收拾齊備。登車進京。徐問道。你與段祺瑞商議否。答曰未曾。徐道你這事太猛浪了。段氏雖然贊

助。不過是表面上的話。你各事獨斷獨行。我恐段氏生疑。必與我等進行手續有碍。張勳見責備於他。心中大有不平之意。即說道。先生未免過於重看段氏。小看晚生。即無段氏。難道此事即辦不成麼。徐又答道。紹軒不可負氣。今番我等舉動。甚爲冒險。雖經北方各督贊許。將來南方必要反對。你未等清帝登殿。先推翻黎氏。黎即通電退位。南方自必着手進行。反對政策。但事已至此。你即刻回京押隊梭巡。我於明日到京。張回京奏明太后。言徐明日來京。那知徐世昌早存穩健主意。先讓那個大粗貨鬧開了局面。如無阻撓。他再進京討封。單說張勳等。到第三日不見徐來。即與康有爲面商。明日即是吉日。徐元老仍不見來。不能因其不來而阻滯。康答道京中一斑政客。我已邀准於今夜五鼓一律進朝。排班上殿朝賀。他今既不同來。我等按品級朝賀就是了。張勳說。我因冗忙。未將

翎頂朝服帶來。又不可軍服見駕。請康先生代借一套使用。康有爲道。現今何處可借。你命差人到街上買一套便了。張勳如言。將朝服穿好。雙眼花翎拖在腦後。見鐘敲一點。這文武兩聖人帶護兵一百餘名。搖搖擺擺進宮。到太后面前跪拜畢。又朝拜宣統。催從上朝登極。即隨二人到金鑾殿上。坐在龍墩。太后在旁設一座位。垂簾攝政。文聖人領一班文臣。武聖人領一班武將拜跪丹墀之下。太后即論功封賞。宣諭道。我朝命脉已絕六載。不料今日復引先朝之儀典。其間奔走王事。不忘故清者。只有宗社黨一班元老。今次復辟。維宗社黨首領徐世昌。張勳。康有爲三人是頓。哀家當殿封官授職。以表卿等忠勇之忱。徐世昌乃三朝元老。封弼德院正院長。康有爲封弼德院副院長。張勳封議政大臣。三人皆賜一等公爵。其餘挨此封贈。民國總統黎元洪也賜一等公爵。太后道。徐世昌尙未

到京。明日派專員賚送官誥。請徐來京受職。封賞已畢。捲簾朝散京中大街小巷。各懸掛龍旗。喚呼萬歲。再說段祺瑞見張勳實行復辟。致電馮國璋組織討逆軍。分道進攻。時馮已爲副總統。得電後。即布告就代理大總統職。馳檄遠近。從段討逆。段分電各省督軍各督均復電贊成。曹錕時爲直隸督軍。吳佩孚爲旅長。攝行師長職務。委吳佩孚爲前敵總司令。兵抵涿州。虛張聲勢。段氏親到馬廠。第八師師長李長泰。營中誓死討逆各軍將。無不應命。先帶領全軍埋伏於津浦鐵路兩旁。阻止徐州北上軍隊。彼軍正在赶路。毫未提防。行至馬廠附近。忽見鐵路兩旁伏兵齊起。那機關槍如同雨點一般。車內目兵傷亡無算。兼之後面火車衝來相撞。又受損傷。各兵士雖携鎗下車應敵。早被段軍四面包圍。迫令繳械。各軍難以抵敵。只得繳械投降。段祺瑞又發電於豫督趙倜。魯督張懷芝。命二

人各出軍隊。腰截徐州後援軍隊。果被兩督戰敗逃回。徐州鎮守使張文生大爲吃驚。兩次出兵六萬。全軍覆沒。只得按兵不動。段氏雖然免職。而爲陸軍總長多年。陸軍軍官半出門下。無不聽其指揮。各路軍隊。齊來分三路進攻。直逼京師。將北京圍住。而陸軍第九師。第十三師。受張勳調度者。無不反正而作爲內應。約至夜半一齊攻擊。張勳見事不妙。調兵遣將。預備開戰。盼望徐州兵來。內外夾攻。可獲全勝。決不料內部分裂倒戈相向。時方三鼓。忽聞四面砲聲隆隆。槍聲密密。遂傳令抵敵。在天安門上。架機關槍隔輪砲向外擊射。豈不知內應早將各門大開。段軍一擁直入。張勳雖四面受敵。仍是左顧右盼。英勇過人。段軍總不能取勝。支持到次日午後。外援不至。子彈告罄。張勳實不能支持。乘摩托車遁入荷蘭使館。乃免。卻說徐世昌接到聖旨。知弼德院院長。是做日本元

老院之意。實行君主立憲。凡國政經該院議決。然後施行。心中大喜。擺宴招待欽差。酒後捧白銀千兩。送作程儀。欽差推託不得。只得收下。就請欽差先回。許明日登程。欽差辭去。徐命將袍套翎頂。找出刷新。次日早起收拾行囊。及至齊備。天已過午。穿好朝服向夫人于氏道。我此番進京。前朝政事廢棄多年。乍爲整頓。手續頗多。暫時不能回家。一切家務望夫人細心照料。切勿疏虞。要緊要緊。于夫人忙答道。大人放心。家中有妾身料理。願大人此翻進京。步步高陞。徐聽夫人說兩句吉祥話。大爲歡喜。又道。你這吉祥語實在說得好。惟我爲弼德院院長。就是前朝首相。你還教步步高陞。究竟還向何處陞呢。豈能陞做皇帝乎。徐世昌與夫人取了兩句笑話。即出府乘綠呢大轎。上了車站。早有專車侍候。徐上火車吹汽笛開車。剛要到前面車站。隔窗看見站上無數軍人。扣留車

輛。一班客人紛紛下車。隨叫差官出去問訊。差官一看。認的是段氏軍隊。找個熟人問明原委。說是去打北京。段大人現在車站內坐著等車進京。京內張勳軍隊已敗。有半數逃走。有半數遣散。聽說張勳與宣統早已逃跑。差官回車。逐一報告。徐大吃一驚。徐將朝服脫去。換上便衣。到車站上見段祺瑞。穿軍衣抓手槍。兩旁隨員禁衛甚嚴。徐世昌即忙向前道。芝泉公務甚忙呀。段氏抬頭一看。見是徐世昌。忙起身向迎答道。菊人先生今欲何往。徐謊言到前方有事。遂代張勳說情道。芝泉與紹軒犯難。我早料及。此所以再三囑紹軒。各事要和衷共濟。商酌進行。他乃是一莽之夫。勇往自任。在知者以其爲忠直。不知者即以其爲專橫。今日復辟之事。他已鑄成大錯。望芝泉看抱澤之誼。寬緩一步。我即發電於紹軒。命其帶領殘部。還歸徐州。芝泉可容納否。段氏聽罷。面現怒容。正色

厲聲道。菊人是我等前輩。又係中國偉人。政學兼優。我等所欽佩。但民國成立六載。不知犧牲多少志士頭顱。纔造成此共和國家。先生不思共維憲法。爲民造福。反與二三強有力之武人。陰謀復辟。將漢族江山。送與滿奴掌握。先生雖爲清室忠臣。實爲漢族奸宄。今番張勳暴動。若無先生起發於前。他決不敢生此忘念。違反民意。倒行逆施。先生既不助我鋤奸。反爲國賊緩頰。未免有玷先生清高之品格。吾不爲紹軒失敗惜。我實爲先生人格惜。徐世昌聞此一番槍白之語。大爲慚愧。面紅過耳。半晌無言。站起身來。罵道。張勳莽夫。不足有爲。應受此等懲創。又向段氏道。芝泉所言。予實難辭其咎。惟事已至此。無可挽回。我不過勸你到京。看昔日交誼。對於紹軒。不必煎之過激耳。我也無暇入京。助你共維大局。望你分車頭一隻。與我返舍。容後面晤。段氏說道。先生本係乘輿

來京。今與我遇。忽然返駕。莫非有惡於晚生。挽徐左手。邀他全行。徐氏決不肯從他。放回津去了。段氏到了北京。進了行轅。駐京司令段芝貴。報告經過情形。派段芝貴將張勳殘部。齊全繳械投降。調駐城外。聽候改編。太后聞段入京。派代表到行轅求免。段氏道。此次復辟禍首。張勳一人。絕不株連清室。請太后放心。代表回宮。具奏太后。方不疑懼。黎總統亦回政事堂。召集各部會議。當衆宣二次辭職。將總統印交段祺瑞收管。段氏命清帝自行通電。取消國號。各部長均注重段祺瑞。繼總統任。段自言與共和憲法不合。既有副總統馮國璋。在南京。按律應請副總統來京代理大總統職務。衆人聽段氏出言按法。均皆贊許。發電南京。請馮氏來京就職。因段氏再造民國。厥功甚偉。委爲內閣總理。各部總次長由段氏委定。段要求明令通緝復辟禍首。那康聖人不知逃往何處。張

勳在荷蘭使館。見通緝明令。甚怒。擬將各督贊成復辟。往還書函。及親筆簽字證據。印成珂羅版。宣告中外。以暴露若輩之陰謀。各同謀者聞信惶恐。派員與張勳商議。情願出洋若干萬以贖前愆。張勳得此巨款後。運動東三省巡閱使。代爲要求。方始赦免。黎見新總統就職。即日出京赴津。計算自己家財。共七十餘萬。分作三股。一股在津做慈善事業。周濟貧民。一股爲宗族貧苦子弟入學用費。及修理宗祠坟墓。半股撥交政府充作軍餉。半股爲家庭生活。每日學諸葛亮隆中高臥。陶淵明詩酒陶情。從此中華舞臺。讓馮伶開演。

五大總統大事記

五大總統大事記（下集）

第六章 安福成立馮國璋代理期滿之時代

馮國璋字華甫。直隸河間縣人。故稱爲馮河間。宣告就職後。段氏二次組閣。即布告對德宣戰。於是參戰事務處。始告成立。段爲參戰督辦。以中國實力不充。名爲參戰。實則無戰可參。不過大借日債。供給日粉。遣國人爲歐戰苦力軍。事上未嘗參與也。然當日若無宣戰之主張。則歐戰告終。中國對於世界之趨勢。其困難又當何如。是段氏之加入協約。又不可謂無功也。故各國休戰。開和會於巴黎我國。特委陸徵祥。顧維鈞。王正廷。施肇基。魏宸組。充參與和會全權。委員顧陸二使。因日本不歸還青島。拒絕簽約。冀爲異日轉圜之地者。皆由參戰而來也。至七年八月。改參戰處。爲邊防事務所。而段氏對德政策。始完全結束。斯時馮段攜手。馮主和

緩。段主急進。二人性質不同。北方雖慶再造。而南方則益反抗。故岑春暄。陸榮廷等。請出孫中山設軍政府於廣州。固結西南。與中央政府脫離關係。召集國會議員。名爲護法。設立七個總裁總理。其事由此聲言北伐。威勢大振。北政府聞之甚爲注意。馮本首鼠兩端之人。畏段氏之剛愎獨斷與徐樹錚之專恣橫肆。故隨帶十五師爲拱衛軍藉。以抵禦對於南方。無所主持。段主張用兵聲討。派傅良佐入湘。周道剛。劉存厚入川。周劉皆川人。意欲以湘治湘。以川治川也。川湘苟得。則平粵平桂之大本營。可置於湘矣。孰意傅方抵湘。零陵鎮守使。劉建藩。已宣告獨立。段氏以湘治湘之計窮。周劉抵川。劉運動吳光新。迫周讓權於劉旋。劉又爲管金聚。熊克武所攻許。段氏以川治川之計又窮。馮本和緩派。見段氏擅專征伐。大拂其意。迭經辨駁。不當再啓干戈。段厲聲叱之曰。釁啓西

南。爲保護威權起見。施此戰略。反遭不諒。豈不令人懊惱。言時咄咄逼人。馮爲退避三舍。乃密遣其婿陳之驥。運動傅之魔下。范國璋。王汝勤。及桂粵會師攻湘。時電請停戰。以迫良佐。良佐棄湘而遁。長沙遂爲南軍所得。此信到京。馮段幾如仇敵。段以武力平南之政策失敗。遂辭國務總理。代以王士珍。王之學識資格皆出段右。爲人亦和平謹慎。馮以王爲直人。與已有鄉誼之關係。且其資望。足以抵制皖派也。詎知段雖下野。而倪嗣沖。張懷芝等。會曹錕於天津。對於西南一致主張開戰。恢復段氏之政策。斯時馮欲聯合直皖兩系爲一氣。以鞏固其勢力。故借出巡爲名。親赴長江流域。欲聯絡各督軍爲之臂助。不意甫至蚌埠。倪嗣沖即要求。起用段氏。馮迫於倪之勢力。不能不允。遂匆匆回京。頒罪己之詔。而治湘南失敗之罪。奉方又受徐樹錚之運動。突領奉軍入關。截奪軍

械於秦皇島。徐樹錚自稱奉軍副司令。率兵分駐於楊柳青廊房。灤洲等處。以馮氏。馮無如何。復任段氏爲內閣總理以解圍。段氏三次組閣。重握政柄。一意用兵。張懷芝自告奮勇。以平湘。爲己任。而中途患病。退至漢口。南軍遂得。乘隙而入。張全軍潰散。倉皇北返。段託徐世昌轉達曹錕。命其率兵南下。曹本馮之信人。以事關大局。不得不與段周旋。允即出兵援湘。臨行與馮氏約長沙一得。即爲止鏡。曹錕何所恃而出此語。因其部下吳佩孚才學兼優。足智多謀。可謂獨一無二之大人。曹見其料敵如神。調度有方。十分器重。由營長而團長。而旅長。現在升第三師師長。曹常對部下軍官道。吾得吳佩孚。如漢高之得韓信。先主之得臥龍也。所以曹錕爲直隸督軍。自居爲直派首領。其實是擔個虛名。一切軍務。皆由吳主持。故慨然應允。即日出兵。吳佩孚仍爲前敵總司令。

果然名不虛傳。至湘一戰。遂踞岳州。捷電至京。段氏大喜。特任曹錕爲四省經略使。曹擬卽日赴前敵相機進剿。曹胆略素怯。與吳適成反比例。吳每對敵。必先易服。微行至戰線。相度地勢。何處可以設伏。何方可以避火力。何方可以虛張。何方可據山原河流進步退路。莫不瞭如指掌。所以戰無不勝。攻無不取。又必身先士卒。親爲指揮。是以部下皆以馬裹屍。爲天職軍心。固則勇氣百倍。自可一以當十。曹錕抵岳。卽下令攻長沙。佩孚率全軍血戰一晝夜。譚延闓微服夜遁。其部下互相狂呼曰。吳二小子。胸中有數萬甲兵。與之交綏。徒血其刃。不如捷足先奔。尙爲識時務之俊傑也。長沙又克使。乘全勝之威。挾破竹之勢。長驅直入。直抵黃龍邊平西南統一。國家豈不榮哉。無如馮氏左牽其裾。段氏右掣其肘。使其有才莫展。英雄竟無用武之地。當吳氏軍抵衡陽。正擬追勦。段

氏聞信。以中大爲疑懼。疑者疑馮氏之接近西南。駐湘南軍。林修梅。劉建藩。趙恆惕輩。暗中皆受其排布。懼者懼曹錕屢戰皆捷。克復湘省。一轉瞬間耳。湘督之席。必爲吳氏坐踞。曹錕四省經略使。原屬虛糜之頭銜。若實擁四省地盤。吾派其危矣。乃命張敬堯率第七師入湘。表面雖云援助。暗中實爲監視。不然胡不自先。胡不自後。獨於大捷之時。而來乎託爲助戰司馬昭之心。路人皆見矣。曹錕見其來湘。明明爲地盤計。深恨段氏居心叵測。事急則虛爵糜人。事成則鳥盡弓藏。此等梟雄手段。吾豈甘僂儻乎。適接馮密電。謂適可則止。而川中。熊克武。屢戰屢勝。與馮氏聲氣素通。湘南停戰。川爭可息。同室操戈。甚屬無謂。兼之久戍在外。直隸根據地若爲段氏攫去。便無退步矣。乃自先歸命吳氏坐鎮湘南。給以全權指揮。段氏見其主戰政策。難達目的。任張敬堯督湘。而與

吳以孚威將軍之虛銜。吳大怒。立即通電全國。主張議和。其文洋洋灑灑純以國計民生爲前提。而北代表朱啓鈴。與南代表唐紹儀。在滬議和矣。斯時徐樹錚見段敗馮勝。乃召王揖唐共商。箝制馮氏之策。揖唐笑曰。是何難。現在選舉總統之期將屆。只須辦一清一色之政黨選舉選舉。老總爲總統可矣。揖唐非敢自詡。對於此事。有十分把握。惟經費無從出耳。君苟以巨資畀吾。可反掌而成也。徐於某銀行中取款八十萬。畀之此款。爲復辟失敗某某獻與合肥者。合肥未受。亦未歸還。王有此巨款。竭力進行。不數日而安福俱樂部成立。王揖唐爲黨魁。召集新國會新議員之產生。此等舉動。早爲徐世昌窺破。徐由復辟失敗。寂寞至今。心欲活動。又苦無機可乘。見段辦理下屆選舉之手續。使親信政客向馮國璋道曰。君之位置不久。代理期滿。恐爲人所動搖。君可早爲之計。馮聞此言頗

爲中。肯向政客道。你既看穿政局。心中必有主見。能爲我謀之。當厚酬之。政客道。總統達人不待。鄙言當有主張。我看此等議員。皆係起自田野。眼孔如豆。君能不惜金錢。何患不爲君用也。馮氏大爲所動。遣員四出收買議員。徐世昌又遣人向段祺瑞道。君與聘卿華甫稱爲北洋三傑。三人中惟君最具才幹。聘老前承大位。足令人服。馮乃狗耳乃君迎之入都。與以大位。伊不感君擁護之情。猶復得隴望蜀。收買議員圖謀下屆正式總統。以金錢爲利器。阻君下屆之望。君能忍之乎。段聽舉大爲震怒。召王揖唐。面責道。你以清一色三字來蒙我。何以議員不守黨規。而敢自由行動。被人金錢誘買。使我下屆目的難達。王揖唐問此言大爲驚疑。即力白其無請。總理詳察之。王辭出。徐世昌已知段之面責王揖唐。即使人來收羅。王揖唐。王謂徐。徐謂之曰。我國目下政局混亂已極。名爲

共和。暗則黨派紛歧。角逐不已。使人難於適從。即如閣下。此番組織。安福系。收羅新國會議員。煞費苦心。純爲擁段。下屆登台起見。段當從心感激。方不負閣下一番熱誠。孰意其受政客愚弄。對於閣下。嘖有煩言。以致落得徒以清一色。濛混於他。鄙意實爲閣下負屈也。予聞馮氏却將金錢魔力收羅一般新議員。恐至開會之期。段氏之目的難達。不責自己以空口說白話。必責閣下受馮氏運動而賣之也。閣下乃當世之英才。所事非人。故不避以懇直之言。冒瀆尊聽。請閣下察之。如不以鄙言爲非。是當早他圖。以免臨時受制。王聞言以中大悟。即立而拜謝道。晚生果係當局者迷。聞先生高論。如夢初醒。惟下屆之期不遠。馮段已成騎虎之勢。段氏囊空如洗。如遭失敗。晚生默觀京中政客。除馮段外無一能當其衝者。北洋系中以先生資格爲最老。聲望素孚。捨馮段外。非先生莫屬。此番

新選舉。擁段則馮不甘。擁馮則段不許。實令晚生有難於應付之勢。不如拋棄。馮段不受偏重影響。一致擁先生登台。使雙方無角逐之餘地。未卜先生肯當此任否。徐知王已入其彀中。反故意推辭道。閣下所見極是。若另選他人。馮段皆難啓齒。惟屬意於鄙人。此事實難從命。張勳失敗以後。外面攻擊鄙人者。以我爲前清之遺老。北洋系之先輩。政界中之中堅人物。老張如不徵我同意。決不敢有此暴動。祇以我爲宗社黨首領。只得隱忍受謗。不便與人較短長。由此灰心不復與聞國事。津門蟄伏。以樂餘年。使予稍受清閑之福。望閣下另爲物色。我就感激無地了。王揖唐見其不允所請。又一再懇求。徐乃慨然曰。今日之事。余若不肯應承。將來馮段大起衝突之際。閣下實爲兩難之人。但我旣若出山。只好藏於幕後。事前決不可露其消息。閣下與俱樂部內人員。仍說擁馮擁段。到了開

會之時。雙方必有堅持爭執之勢。閣下當場對衆表白。投票選舉。免得雙方爭執。予雖到會只能調解雙方意見。你等在票中書我姓名。然至當場開票宣布。馮段二人見我舉爲總統。也就難以再爭了。其實我爲段氏過渡。不過代理幾日。你等再行設法擁段登台。豈非二全其美。王滿口贊許道。老先生高見。晚等欽佩極了。王與徐訂好條約。即辭出。暗中與各黨員接洽。到開會之期。馮段相爭甚烈。各議員難於應付。結果舉徐世昌爲新華宮繼任之人。雙方均無爭執。在馮段心中。以爲已不能得。讓諸他人。反覺心快。而不知鵲蚌相持。漁人坐收其利矣。由是馮之副座。與江蘇督軍同爲取消。段願與馮同時下野。亦辭去總理。而半老徐娘。遂登場開演矣。

第七章 直皖作戰徐世昌得意自鳴之時代

徐世昌以靈活之手腕。不費一文。攫得大總統。實爲安福國會之私

生子也。自安福部組成。而老北洋系顯揭直皖兩大派。徐見皖派日強。恐己之地位動搖。乃聯直派以抵制。時上海和議停頓。吳佩孚成湘三載。知安福氣燄布滿中原。再不撤防將來不可收拾。電告曹錕。轉電中央。准其撤防。初不准。堅請之。乃准其請。電張敬堯前接防。次而張之私心太重。恐吳之假途滅虢。順道直取其長沙。故不用全力接防。而用全力以防吳。豈知及吳撤防。而譚延闓用力猛攻。張不能不棄長沙而遠遁。且其時尚有李奎元。范國璋。張家昌。馮玉祥等在。何以皆坐視不顧。則張之爲人概可知矣。吳於將撤防時。派參謀王伯相北上。料理駐兵地點。豈知舊有營房。悉爲邊防軍所佔據。此時歐戰告終。無庸參戰。段改爲邊防督辦。故其所練之軍。爲邊防軍。名爲防邊。實則防直也。吳聞此消息。憂憤交併。湘督一席。爲敬堯攫奪。直省老營。又爲邊軍盤踞。怒髮衝

冠。不能與安福系並立矣。故其由湘撤退。皆整隊以行。一師三混旅。無時不取集合之形勢。論者謂其防暗算也。及由漢口北上。集中鄭州。南北之要衝先已扼定。直豫鄂打成一片。雖信陽有上游軍。已在包圍之內。吳師又以一旅。由鄭州西去。逼近洛陽。洛陽之兩旅。西北軍。處于奉直兩軍之間。無形中受其監視。而吳氏抵開封。日受趙倜之歡迎。對於政局。頗多表示。特未至其時。莫敢先發耳。方靳翼青之組閣也。吳與靳有師生之誼。靳常通電於吳。謂安系咄咄逼人。遇事掣肘。如爲虎作張。事後難免噬臍之悔。決意不甘戀棧已命。秘書起草。即上辭呈云云。吳得此電。而保定會議即於是乎起。此會議由吳起發。以追悼陣亡將士爲名。號召各省區師旅長官。先期而至者有八省聯盟代表。開一談話會。議決辦法三條。一擁護靳內閣。不反對段合肥。二各省防線之軍隊。一律撤回

原防地。但不保證南軍之不進取。三宣布安福系罪狀。通電政府。請求解散安福部。及明日復加入五省。遂成十三省聯盟。一時京津間謠啄紛紜。東海聞之知將有非常政變發生。乃密電張作霖來京解決時局。張爲時勢造成之新英雄。恒喜廁身政爭旋渦中。以露頭角。按張作霖字雨亭。直隸京東人。生得面目清秀。自幼好習武事。先^大怙怙。後失恃。孤苦無依。賣盡家私。殯葬父母。寄居村西。馮^{麟閣}玉麟家。馮與張有舊故。甚爲親密。後馮之住房。爲盜匪焚燒馮出關採獲。張又寄居前村于氏家。于本獵戶。見張狀貌非常。精神出衆。甚歡喜之。平日教其習刀槍劍戟。件件精通。又有胆略。英勇絕倫。每日出獵。多殺猛獸而歸。一日馮麟閣來邀。略謂弟在關外。久受鬻匪之氣。獨立難支。特請大哥前去助力。或者可以安生。張聞言大喜。即拜辭于氏。隨馮前來。馮在途中謂張。曰昔年吾同

朋友往吉林採獲。行至索倫山下。遇一羣鬚匪前來劫。掠我將匪首殺死。餘匪奔回山上。告與首領。不多時首領親自下山抵敵。我看此人。原是同鄉湯玉麟。呼其姓名。他即下馬。將我迎上山去。設席款待。他對衆宣言。將首領推讓於我。我辭不獲已。暫爲允許。我即向大衆傳令。雖然東搶西劫。不可妄殺一人。只許偷劫富有之家。幸部下無不遵命而行。不料俄人進入滿洲。屢次與我作對。欲搜捕鬚匪。作一網打盡之思。教我何處躲蔽。特請大哥來商議抵禦之策。張微笑曰。好辦好辦。不多時到了山寨。張巡視一周。教他如此如此。馮聞言大喜。曰我兄真有良謀。果然名不虛傳。依計而行。俄人全軍皆沒。原來教其多挖深坑。埋伏地雷。然後退出山寨。俄人必來佔據。全被地雷轟死。從此盛名大振。關東外人。皆不敢輕視。便推張爲山寨之主。對於平民秋毫無犯。人呼張馮爲二俠。

士。光緒二十六年庚子。山東義和拳匪起事。僞言持有法術。能閉槍砲。聲言扶清室。滅洋人。愚民受其煽惑者不少。馮麟閣要領。衆匪助北京作戰。作霖止住道。吾聞該拳主動者。名李來中。乃太平天國忠王李秀成之義子。曾國荃破南京。秀成被捕而死。來中逃往山東。曹州招聚許多亡命徒。劫掠爲生。今聚衆起。手意欲挑動各國發兵。與清廷作對。以報其昔日之仇。豈真爲助清乎。我若加入。亦受其害矣。乃止。次年辛丑。中外議和戰事告終。各國皆撤兵回國。俄國不特撤兵。反至增兵。作霖乘此機位。賄買日人製造空氣。布散謠言。謂俄人增兵。將侵割日本土地。日人聞此信息。便與俄交涉。原來日本自甲午。戰勝中國。佔了遼東半島。被俄人約出德法二國。逼日人歸還中國。中政府賠償銀三千萬兩。日本不敢不依。只得忍受。忍到今日。遂趕緊提出幾項交涉條件。一要求

俄國撤退滿洲駐兵。二俄國不准干涉朝鮮內政。三俄國不得侵犯中國之獨立。作霖見日俄爭端。又吩咐部下十餘人。改爲日人服裝潛往鴨綠江上游。將俄國組織之森林。縱火焚燒。將日人衣服。拋棄地下而回。俄人拾得衣服。便謂是日人放火。俄總督與日領事交涉。日領絕不承認。俄人將日人提出條件。完全拒絕。日俄斷絕邦交。預備開戰。作霖見事機已至。又假投降於俄。情願効力。俄人大喜。即命作霖看守糧台軍械。前敵與日本交戰。作霖寄書一封。遣心腹人送到索倫山。馮湯見信。便乘夜領人馬奔到俄國兵站。便向俄營開砲。作霖在內夾攻。俄軍大亂而潰。張馮湯三人。會合一處。把糧餉運出。其餘付之一炬。前敵聞得此信。不戰而退日人。乘勢追擊。大獲全勝。日本首將。探知其中情節。深服作霖智勇雙全。欽佩之至。從此俄租之大連旅順。歸日本管理。時趙爾巽爲東三

省總督。特聞張作霖是將材。可惜失身綠林。難爲國家効力。意欲派人前去招撫。一日有一留日學生忽到山寨求見作霖。作霖請問姓名。來此何事。答道敝姓雷。名景春。因聞英士威名。特地前來拜訪。作霖大喜。命坐講話。景春道。英士威名既大。本領又高。可惜人不遇時。以致英雄埋沒山林。誠爲可惜。作霖道。都是清廷官吏。尸位素餐。貪財枉法。教我無路可走。只得落草山中。景春歎息不置。作霖留其在山中。盤桓幾日。景春得閒。便對作霖講五才子水滸傳。作霖聽得眉飛色舞。又請麟閣一同來聽。景春講得有聲有色。張馮湯等聽得樂不可支。景春說完水滸傳。續講蕩寇志。作霖聽得毛骨悚然。把氣酸減低了幾分。說道呼延灼。歸順畢士元一節。便停下說道。大丈夫志在流芳百世。像梁山上這般人物。何等英雄豪傑。只爲作了草寇。到底身名俱敗。所以爲人最要緊望求上進

。作霖聽到此處。忍不住拍掌笑道。罷了罷了。我以前所作所爲。都與梁山上一般無二。今天聽見雷先生評論。也要改變宗旨了。景春見他悔悟。心中大喜又道。英士既生覺悟之心。不愧是個大丈夫了。在下曾讀過柳庄相法。今英士之相。乃是出類拔萃之英雄。可以爲國家辦大事業。前途真未可限量。若久戀在此。真是英雄無用武之地矣。又相馮麟閣。曰你也是一位英雄。不過難與張英士並駕齊驅也。二人大爲佩服。作霖道。我等改變宗旨。不願拜降無智識的官員。如何是好。景春道。只個不妨奉天趙爾巽。爲官十分請正的。鄙人不才。與之有一面之識。可以前去代爲保舉。不知尊意如何。作霖道。如此更好。我明天前去投順便了。景春當晚下山。回報趙爾巽。原來他就是派來的說客。次日張作霖起程。來到督署。命從人將自己用繩綁好。跪于轅門之外。趙督聞信傳見。親釋其縛道

。本帥久聞英士才胆過人。本領出衆。可惜既未遇人。又未遇時。今既棄邪歸正。本帥多一帮手。國家添一健將。望你忠君本國。將來有大位置。方不負本帥愛識將材的苦心。作霖聽罷。感激之至。設筵款待。又命回山。將人馬一齊帶來。聽候改編。馮麟閣亦願同往。即以張馮二人爲營長。遂受命領械受職。此張入政界之初步。張馮雖然歸順。別路鬪匪。猖獗依然。張作霖或剿或撫。一律肅請。因其有保護治安大功。升爲二十四鎮統制。未幾清帝退位。民國告成。皇族要人。心實不服。組織宗社黨。以暗殺爲目的。已將新疆都督袁鴻祐刺死。又來奉謀刺趙爾巽。運動作霖。從中相助。作霖與袁鴻祐。本是姨表兄弟。正思爲袁報仇。今見他來運動。心生一計。表面應承。並請寬限。二人開懷暢飲。探他口氣。是何人主使。答道都是薩貝子主意。作霖就請俟薩王到來。自然助力。隔數

日運動員又來。密告作霖薩王爺怕人暗算。暫不入營。待起事之日。親來監軍。作霖問道。此時寓在何處。我去拜見。好議大事。答道寓在城外陶姓家內。須便衣去訪。以防外間耳目。作霖換便衣帶衛兵二名。潛往城外。到了陶姓門前。向衛隊以目示意。衛隊會意。往督署報告去了。作霖見了薩貝子。假作商議軍情。定于明日起事。方告別出門。奉督派許多兵士。打進門去。將薩貝子陶志方等。一併拿住。搜出許多証據。趙督詢明口供。立即就地正法。時全國陸軍。更改名目。不稱鎮而稱師。張與馮皆升爲師長。民國五年。段祺瑞爲總理。任用其叔父段芝貴爲奉天將軍。此人於辛亥年。從馮國璋攻漢陽。由蔡甸方面攻入漢陽。遂得佔據。段芝貴功居第一。祭^祭丑年。五省獨立。同聲討袁。袁任段芝貴爲總司令。由江西方面。攻入撲滅南軍。袁任其爲湖北都督。此次任爲奉天將軍。欲伸

張其勢於關外。不料張已垂涎此任。因與趙督親密。不肯忘恩。今見段氏前來。心中大爲不服。乃密派心腹偵察其賣官鬻爵一切曖昧之事。命書記集成一篇文章。一面派人持往北京交老段閱看。一面派人報告段芝貴。說張師長和你作對。現帶兵前來殺你。段氏驚得手足無措。忘帶了鈔票銀行摺子。由後衛逃出。乘京奉火車進京。見了老段。哭訴情形。老段早接到作霖報告。說你一切行爲。頗不正大。難怪作霖驅逐於你。東三省地方。本不易治。你再回去。更多危險。作霖頗有才幹。不如就命他掌理。次日拍去一電。任命張作霖爲奉天將軍。作霖通電就職。時老段主張對南用兵。着着失敗。馮總統將段免職。爲自衛計。訂購意國槍炮。在秦皇島上岸。事爲張作霖聞知。派人特書慰問老段。內云總理重欲登台。情願助力等語。段喜。遂派參謀徐樹錚赴奉接洽。徐請教曰。將軍果設何法。能

使總理登台。張大笑曰。徐先生可聞總統向意國訂購大批軍械否。對曰。略有所聞。張曰。我已派兵士。內着軍服。外穿長衣。在秦皇島守候。待他運到之時。脫去外衣。冒充總統派來兵士。把軍械運到他處。然後領兵入關。要求總理復職。何難之有。小徐一聽。拍手叫絕。依計而行。果然成功。大批軍械全歸作霖所用。張氏半生歷史。此其大略。今接東海之電。應召來京。隨即乘車赴保定。下榻于經略使署。設盛筵爲張氏接風。實則解決政爭也。席間討論。吳佩孚發言曰。國事蠅蟻人心杌隉。外交失敗。內政不修。而一班安福派中人。猶復醉生夢死。朋比爲奸。媚外誤國。惟一己之私利是圖。置全國輿論。於不顧。抵押國土。喪失國權。引狼入室。爲虎作倂。同是圓顛方趾之神農、胄裔。何竟全無心肝乃爾。試問國將亡矣。家於何有。皮之不存。毛將焉傳。附當此存亡危急之秋。吾輩軍

人。食國之祿。衛國干城。義屬天職。部下子弟。縱不敢謂久經訓練。有勇知方。惟大義所在。類皆奮不顧身。以衛社稷。纂江之役。長沙之捷。往事可證。無論何黨何派。不知本國。專尙陰謀者。佩孚雖守軍人。不干政之義。恐部下義憤填胸。無法遏止耳。張聞言頗爲動容。繼由曹氏。與各省代表商決調停辦法六條。一撤換財政法三總長。二撤閣復職。三撤換議和代表王揖唐。三湘事由和會解決。四凡和會不能解決之件。由國民大會解決之。五邊防西北軍。及在各省者。同時裁減。六開復張勳原官。議案交張氏帶京。張回京先面呈東海。又往商段氏。奈段氏自信力過深。又爲羣小包圍。不肯調停。張氏幾與之衝突。小徐欲殺張氏。段止之。張氏往來于奉京保間者。三數次。終無効力。即返奉去。小徐聞張回奉。恐其助曹攻段。趕至奉天云。請奉方恪守中立。段總理願將東三省。併歸

督軍一人巡閱。張答曰你們戰事可有把握否。小徐道。軍餉向財部支取。軍械向日本去購。不是小生誇口。只消五日。可以直搗保定。十日可以直抵河南。張冷笑道。你勝了我去道賀。你敗了。我出兵相助。小徐拱手告別而去。斯時張勳已蒙特赦。現在奉天。謂作霖曰。小徐鬼頭鬼腦。你須防刺客。作霖被他提醒。日夜留心。原來小徐平日養許多死士。預備暗殺仇人。看出張氏無誠意助他。回京暗派姚某。率十二名敢死士。至奉行刺。終日在督署前後左右盤旋。偵探見有形迹。前來報告。作霖原有避險奇術。吩咐將一蠟人。穿督軍服制。乘汽車出署。兩旁數十名衛隊保護。此蠟人面貌與作霖分毫不差。方出轅門。忽有幾個勇敢之人。上前以手鎗轟擊。衛兵上前捉擊。共捉得十三人解署。作霖大怒。親自審問。姚某供出由小徐指使。將刺客盡數槍決。即派兩師預備進關助戰。早抱定鵠蚌

相持。漁翁得利主意。囑張作相。待時前進。而東海方面。見調停決裂。無計可施。左右進言曰。此間有一王半仙。拆字甚驗。盍召之決疑。徐召之前。徐寫一定字。半仙道。定軍恐不利。敗且速矣。定字從宀。從疋。去疋。加元。爲完。定國軍將完全解散。疋上加日。爲是。今在夜間。無日不得爲是。疋字是正。非正。此番進兵。實不正當。徐問曰。此後安福俱樂部。尙能保存乎。對曰。吾二人皆男子。此時正在子初。陽氣正旺。何能容一女子。安福之安字。乃寶蓋下加一女子。無女則有首無尾。從此安福黨員。瑣尾流離矣。徐見半仙之言。頗爲靈巧。所解字理。又復的當。又問道。究竟直皖之結果何如。半仙正在沈吟。忽有小蟲飛至。半仙道。安福之結果。無非走而已矣。疋加十卽爲走字。且俗呼走爲滾蛋。適所飛來之蟲。加于疋下。就一蛋字。如一戰敗。不滾蛋而奚爲。徐聞

之大笑不止。復向半仙正色言曰。子言過露稜角。殊非保身之道。此語若爲段將軍聞之。禍即立至。余則無不包涵。半仙曰。野人知總統之休休有容。方敢妄談。離此一步。即絕口不談一字。徐曰。明哲保身。汝其誌之。隨命侍從取洋十元以酬之。王半仙再三稱謝。領洋出府而去。東海經此一番解說。方恍然大悟。深信吳氏。用兵有方。治軍有道。以正攻邪。何患不克。小徐跋扈過甚。新招之軍。安能抵敵。即在公府舉行特別會議。擬定三令。發交閣員副署。一特任徐樹錚爲遠威將軍。二徐樹錚現經任爲遠威將軍。應即開去西北籌邊使留京供職。西北籌邊使。着李垣暫行護理。三西北邊防總司令一缺。著即裁撤。其所轄軍隊。由陸軍部接收辦理。命令一下。段祺瑞由團河奔回。將軍府。開特別會議。列席者百餘人。當衆演說主張討伐二曹一吳之罪。幾爲誓師之形式。席中發言者寥

寥。惟姜老將軍。挺身向段曰。吳佩孚年輕。即有地方得罪於你。教他賠一個不是就好了。何至勞國家軍隊。使小百姓受苦。又曰你真要打他嗎。段曰要真。姜曰你打得他過嗎。段曰打得過。姜冷笑道。此刻小孩子。比我們利害得多呢。你豈不是說你首創中華民國。你勝中華民國。還可靠你。你敗中華民國靠誰。段氏無以應。姜回顧而斥徐樹錚曰。什麼事都是你這小孩子弄出來的。段徐雖躁然。對姜老亦無可如何也。議決呈請總統免除曹錕。吳佩孚職。交段氏拿辦。經過國務院例會之手讀議決。曹錕職留任。吳佩孚免職。由段親自入府、要求東海、語之曰。老大哥奚爲如此憤怒。又錚籌邊使之職。本與籌邊督辦。有疊床架屋之嫌。罷免之不過掩人耳目。一俟衆怒稍平。即可另予位置。暫時屈居、將軍府閒散一二月。似屬無妨。曹經略與吳師長。光復長沙。久戍湘南、全國輿論。奉若神

明。若以褫職免職之令加之。恐爲全國輿論之反對。並慮激起曹吳等之反對也。段氏見其不許。以重兵圍公府。東海迫於兵威。不得已准如所請。蓋印發表。段回團河。召集全體上級將佐會議。其計劃以迅雷手段。密令丁士源將京漢路火車調集北京漢口。使曹吳之兵。不能北上。北路派曲同豐。及陳文運劉詢魏宗瀚突攻涿州。而搗保之南路。吳光新。張敬堯各出兩旅。由漢口北上。先據守信陽。然後會同南陽鎮守使。吳慶桐之兵。北攻鄭許。東路令馬良派五旅及五師之一團。由曹州進攻。歸德會同皖軍進攻開封省城。西路密令駐洛之西北軍兩旅。速佔領汜水虎牢險要俟各路得勢。衝出滎陽。奪廣武山。以護黃河大橋會攻。鄭州至張敬堯殘部。除兩旅攻豫外。尚餘七八千人。即令分擾鄂贛。以掣兩省兵力。議畢邊防軍。早改爲國防軍。分四路出發。第一路爲曲同豐之邊防。第一師第二

路爲陳文運之邊防。第三師第三路爲魏宗瀚之第九師。與李進才之第十三師。第四路爲劉詢之第十五師。段芝貴爲總司令。徐樹錚爲總參謀。而曹吳之計劃。以第三師之一旅。騎砲兵各一團。全數開到高碑店。附近以王承斌蕭耀南兩旅。任左右翼之警戒。特滿待發。曹錕之馬廠。二十六師開至韓柳墅。並從榆關調馬步隊兵各一營。添駐北倉一帶。吳佩孚之妙策。係以王承斌等之軍隊。循京漢路作戰。親率第三師之第五旅。出奇兵直搗團河。以爲擒賊擒王之計。曹錕見褫職令下。親至天津。行誓師禮。派吳佩孚爲前敵總司令。命所部爲討賊軍。七月十四晚。八時。琉璃河之邊防軍。第一師第一團馬隊。及第十三師第一營步軍。向直軍開始總攻擊。段司令之指揮。只知蠻力死攻。而吳司令以逸待勞。反攻爲退。陽雖示怯。陰實誘敵也。段司令昧於臨陣之機。詐以爲一戰即潰。用極猛之力

以追擊。孰知吳司令。預測地勢。退避之處。均可避敵人之火力。反從旁線以大砲擊射之。邊軍之勢頓挫。直軍反退爲攻。槍彈如密雨而來。士卒以一當百。奮勇直前。邊軍抵禦不及。紛紛潰散。十五晚十時。邊軍又向高碑店進攻。吳司令率隊將邊軍遮斷。段司令下令進攻。兵不應命。不戰而退者約三十里。十六夜一時吳司令。命蕭耀南所部之第三混成旅。與龔漢治所部之第三補充旅。合力向涿州反攻。邊軍不支。前線潰退。而彭壽莘率第三補充旅。加入攻右方。第三混成旅。從正面猛擊。曲部陷於圍中。死傷不可勝數。全部僅餘二千人。旅團長以下之被俘者。約計五十餘人。戰鬥力已失。曲同豐欲逃不得。欲戰不能。遂向直軍繳械投降。段氏一手訓練之邊防軍。與吳氏交綏二次。竟至一蹶不振。段司令遁歸。曲同豐被俘。吳氏以手槍隊。便裝佔據涿州。將電報等交通機關地方守

住。即派兵星夜赴團河擒段。孰意漏一分機。未曾注意。即以此種消息洩之於段。段一面飛調救兵。一面向京逃走。救兵到時。吳軍離團河。僅十餘里。亦云險矣。卻說小徐自率兵取東路進攻曹錕。兼防奉軍。大獲全勝。將曹錕追到北倉。眼看就擒。忽有生力奉軍來救。勇猛前扑。小徐抵擋不住。向後退卻。奉軍以全力進攻。兵士一聞奉軍又到。各自奔逃。遂至一敗塗地。老段聞信。憤不欲生。以手槍自戕。而未命中。徐段二人匿居六國飯店。老段知大事已去。上書東海。引咎自劾。並即呈請辭職。略謂此次戰事。實係祺瑞一人措置失當。請總統褫奪官勳。取消定國軍等語。東海披閱之下。笑謂左右曰。早知今日。悔不當初。將辭呈送回。靳雲鵬張懷芝等。赴津調停息戰。挾中央承認四條件。一懲辦徐樹錚。二解散安福部。三解散邊防軍。四解散新國會。曹吳盛怒之下。不肯罷兵。

。經調人和解。由吳氏提出條件六項。一解散安福部。二懲辦罪魁十四人。三取消邊防軍與西北軍。四京畿保衛歸直奉軍。五撤銷安福包辦之和議機關。驅逐王唐揖。另開和議。六解散新舊兩國會。另辦新選舉。東海得悉。以爲各項均屬從公。極表贊同。息爭之局。方克告成。一面下曹吳復職之令。一面下懲辦禍國十罪魁之令。各罪魁咸以東交民巷爲逋逃藪矣。而以直奉兩派。均有功於政府。命曹錕爲直魯豫巡閱使。吳佩孚爲副使。以張作霖爲東三省巡閱使。是皖派既倒。而奉方毫不費力。得與直方均有權利。從此分直奉兩派矣。

第八章 直奉交兵徐世昌與盡悲來之時代

直皖之戰事告終。湘鄂之戰爭復起。鄂督王占元。素以鄂人爲魚肉。鄂人銜之刺骨。乃乞湘軍總司令趙恆惕。與師驅王。趙率師攻鄂。

。連戰皆捷。深入腹地。占元倉皇失措。星夜出奔。政府命吳佩孚南下援鄂。吳出奇計。決江水以淹湘軍。而湘軍溺死者無算。趙引軍退。吳追擊之。適一砲彈迎面來。落於佩孚身邊。轟然一聲。左右之參謀與護兵五人。皆倒地殞命。獨佩孚無恙。神色自若依舊。麾軍前進。惟面目爲烟焰所薰。變爲薰黑黃色。軍服爲血花所濺。變爲殷紅。望之彷彿一饜鬼。部下驚爲神人。湘軍退至岳州。已乏戰鬪力。忽間諜飛報。謂吳軍從水道來攻。衆皆失色。趙歎曰。我與子玉。多年交好。何相逼之甚耶。我甘爲敗軍之將。實不能教三千健兒無一生還。何顏見江東父老也。忽聞砲聲隆隆。知吳軍已臨城下。趙率殘部出南門。而回長沙。吳以蕭耀南爲鄂督。蕭鄂人也。以鄂治鄂。鄂人不反對也。鄂亂方終。而川亂又起。初驅王之事。湘與川訂有密約。由熊克武回川。與川軍總司令。劉湘磋商。約

定同時舉發。後爲王占元所聞。故湘軍先發以制之。川軍以布置未妥。不能響應。今爲履行條約。大舉攻鄂。但懋辛。藍天蔚等。分路督師進攻宜昌。所向皆披靡。宜昌危在旦夕。佩孚率壯卒星夜趕至。乘黑夜直衝陣線。川軍震其威名。各自驚擾。吳親開機關砲擊之。川軍潰退。宜昌之軍。出城兜剿。川軍死者不計其數。至天明盡克復磨盤山。翠佛山。五指山等處。川軍盡退而守險。不敢再攻。佩孚見鄂境無一敵踪。方班師而回。乘一軍艦。從長江順流而下。懸有二丈見方之吳字大旗。氣象至爲雄壯。駛至武昌。各機關代表。在埠歡迎。軍樂大作。佩孚穿上將軍服。佩九獅寶刀。胸前滿掛寶章。大步登岸。向各人鞠躬爲禮。表示謝意。坐汽車赴督軍署觀者人山人海。歡呼之聲。有如雷動。時有女學生一隊。各以菊花一束。向佩孚身上亂擲。佩孚笑容可掬。舉手示謝。有並坐之某長

官笑曰。古有潘安過市。女郎見其貌美。擲果盈車。今若輩擲將軍以花。其亦慕將軍之丰采乎。佩孚歎曰。我見菊花。不禁想起黃花岡流血事。民國創造。七十二烈士。與有功焉。若輩擲我以菊花。其意欲以先烈創造之民國。付託我吳某手乎。某長官心念英雄吐囁自爾不凡。不覺聳然動容。至督署。蕭督爲之洗塵。吳興致甚豪。飲酒五六斤。盤桓數日。奏凱而還。曹巡閱力保吳副使爲兩湖巡閱使。關外張巡閱聞之甚爲不平。以爲曹吳佔了兩處緊要地盤。部下馮玉祥遂去陳樹藩。爲陝西督軍。蕭耀南代了王占元爲湖北督軍。關內全權。盡歸曹吳掌握。吾亦保一巡閱使。看他准與不准。電保張勳爲長江總司令。兼蘇皖贛巡閱使。徐總統無由自主。只得徵求各人意見。吳巡閱即邀及蘇皖贛。直魯豫。各省長官。聯銜通電反對。堅不承認。徐以緩辦拒張。蓋吳與張。懷隙已久。其原因基於

湘南撤防時。張曹會議於天津。吳亦在座。聞張之詰難數四。曹幾無以爲答。吳代爲發言。以難張。張奮然作色曰。曩何人。豈某與三哥議要事。亦容此輩置喙耶。曹即曰。此爲衡陽遠戍歸來之吳佩孚也。張不甚注意。吳拂袖而出。謂人曰。法正之治蜀也。一飯之德必酬。睚眦之怨必報。張某傲岸如此。我不得勢則已。得勢則必師法正之法爲法。以報睚眦之怨也。故此次極力反對。而奉直之惡感益深。更兼靳內閣辭職。交通系梁士詒大出風頭。頗奉張荐其組閣。東海因招三巡閱使。入京會議。吳氏不願列席。僅張曹至京。結果。大總統徇奉方之請。以內閣總理昇梁士詒。命令於民國十年十二月二十四號發表。更以財政總長任張弧。交通總長任葉恭綽。將含直系彩色之財政高凌霨。調長內務。免王迺斌職。騰出農商一席。安插內務之齊耀珊。是役也。曹雖不以爲然。而絕口不提是否

。靜候第三者之發言。梁士詒粵人。字燕孫。老交通系之首領。亦即十三太保之領袖。洪憲皇帝之功臣。葉恭綽爲其同鄉。葉字譽虎。與鄭洪年。關慶麟。任鳳苞。趙慶華諸人。所謂交通四庭柱。一正樑。亦稱龍鳳魚鱗虎。五大將者是也。張弧字岱杉。亦政界之流星。此次之連袂登台。皆仰仗奉方勢力。吳聞任梁之命。投袂以起曰。是可忍孰不可忍。即欲宣示態度。幕僚具卓識者。則謂事機未熟。將軍何不姑示意弱。誘之入彀。吳然其說。對外僅云。惟曹之馬首是瞻。梁本官場老手。以爲甫一登台。必須有過人之舉。見交通銀行將倒閉。電奉方接濟三百萬元。以副座爲代價。交行立時兌現。人皆以梁爲不負財神之稱。繼而發展輔奉政策。陽曆元旦。下令特赦段芝貴。張樹元。曲同豐。陳文運。劉詢。魏宗瀚之命令。此數人者。皆與吳有不解之仇也。不特此也。因恐新交通系之多事。

更畀陸宗輿以市政督辦。任曹汝霖以實業專使之要差。更揚言將任張勳爲長江巡閱使。免田中玉魯督職。任王占元。或張懷芝。以平張樹元之憤。免陳光遠贛督職。簡許蘭洲。以洩張宗昌之怨。他如張敬堯吳光新之積怨。亦思逐步報復之法。張弧力主發行九千萬公債。左祖奉方軍餉。對於吳派索餉之錢少卿。則虛與委蛇。是不特吳氏所難堪。民心亦共怒梁閣之倒行逆施。當太平洋會議專使施顧王三代表。有電返國。揭破梁閣直接交涉魯案之陰謀。吳遂爲民請命。反對梁閣。第一庚電中。歷述梁之罪狀。助梁爲李完用張邦昌之媚外。又發佳蒸眞文元五電。反對梁閣。眞電通體仿韓昌黎驅鱷魚文。有三日不能至五日。五日不能至七日。七日不能。是終不肯去也之語。繼吳以電攻梁者。有鄂督蕭耀南。蘇督齊燮元。贛督陳光遠。陝督馮玉祥。以及師長旅長省長等。不下四五十通。而電文

多仿駱賓王討武后檄。結句有請問今日之國民。孰認賣國之內閣云云。梁見空氣不佳。暫請假以避之。俟各方疏通就緒。捲土重來。隨又發生董經金財政參案將張弧逼走。吳曾電譽董爲鐵面無私包孝肅。吳之直接反對梁閣。間接即反對奉張。又加梁葉等人。前去告哀。奉張大肆咆哮。密電曹錕。謂吳小子非善相與者。公如不悟。再寵任之。將來難保不爲殿前檢點。曹心微動。奉方更遣其三姨太太王稚君。以親家太太資格。携子婦遊歷爲名。入關說曹。又以利害之說。煽動曹銳曹鏞。二曹爲其所愚。竟欲迫兄去吳。以分家爲要挾。王承斌爲去吳則示人弱點。毋迺太甚。惟與奉抗衡亦屬非計。當設法止之。曹從其說。遣使囑其鋒銜稍斂。弗咄咄逼人。吳因曹之顏面。特發一溫和之電。電中以服從爲軍人天職立言。奉張見之大喜。信爲離間得手。而交通系重要份子。相率赴奉。謂乘此時

氏迫人太甚。王承斌首先責問。謂余奉人也。譬之女子。奉爲娘家直爲夫族。今日尙存出嫁從夫之念。不敢偏袒母族。何以省長擅離職守。貽莫大之差。附議者蠶起。曹錕見衆意如此。遂幡然變計。深責曹銳曹鏞之失策。並宣言一德一心。共防大敵。所有軍隊均交吳副使節制。吳氏未來保以前。曹銳猶勸其兄勿開戰。錕繞屋徬徨數小時。始奮然曰。功名富貴。皆我掙得來的。如今決計不要了。遂自寫一電致吳。謂你即是我。我即是你。親戚雖親。不如你親。你說怎麼辦。就怎麼辦。秘書請改用文言。曹曰不必。可速拍發。吳得電即作戰備。調岳州張福來北歸。以沈鴻英之桂軍填防。約湘中趙恒惕。兩不相犯。川中與熊克武有成約。嗾其與劉湘反顏。使其內顧孔亟。無暇他顧。令孫傳芳留神防範。鄂督蕭耀南則以糧台委之。陝督馮玉祥及旅長張治功。則令其將印信交陝人自治。出潼

關援直。閻治堂一師。助劉鎮華胡景翼。並隨時監視吳新田。知豫督趙倜之心終異己。分配第三師於鄭州。設立兵站。軍械品集中該處。而以其弟趙傑之宏威軍。加入前鋒。使其不能作崇於肘腋。預料此次戰爭。魯省從違關係至大。魯督無能爲。所慮者第五師師長鄭士琦。及旅長施從濱。吳長植等。皆含安福臭味。特撥二十五萬金。濟彼軍餉。言明萬一開戰時。宣告中立。他如結好小孫。助袁祖銘之回黔。唐繼堯之入滇。皆分大孫北伐之勢。又暗與陳炯明同盟。以掣孫文之肘。佈置既定。直隸軍隊分三路。東路爲二十六師第十二十三十四三混成旅。及第三師一部份。西路爲二十三二十四兩師。第一第十五兩混成旅。亦有第三師一部份。後路援軍。爲陝軍。鄂軍豫軍。及直省之三混成旅。戰將則爲張國鎔。葛豪。彭壽莘。董政國。王承斌。張福來。孫岳。張克瑤。靳雲鶚。趙傑等。

吳自爲總指揮。馮玉祥爲副指揮。大約五六萬人。奉軍則爲六梯團分東西兩路。東路爲第一梯團。爲二十七師。第二梯團。爲第三第四兩混成旅。第三梯團。爲第七第八兩旅。西路第一梯團。爲陸軍第一師。第二梯團。爲陸軍第十六師一部分。及第六混成旅。第三梯團爲第二第九兩混成旅。後援掩護。爲奉天補充旅五旅。戰將係張作相。張學良。李景林。張景惠。鄒芬。鄭殿陞。許蘭洲。汲金純等。張自爲總司令。孫烈臣爲副司令。楊宇霆爲參謀長。共有十二萬五千人。奉直兩方已嚴加戰備。而元首方面。邀趙爾巽。王占元。張錫鑾。王士珍等。出任調停。此事豈以五六人口舌。而能化干戈爲玉帛乎。徒費往返之勞而已矣。四月二十八日。兩軍開始作戰。奉軍陣勢。左翼延長至靜海方面。中軍步哨過固安。右翼至長辛店附近大昌庄。直軍主力在保定。左翼在涿州琉璃河房山。右翼

在大城縣。中部在霸縣任邱河間。午後三時。直軍左翼在良鄉進攻奉軍右翼。野戰砲擊射目標。注在大昌庄。奉不及防。退至長辛店。二十九日午後反攻。直軍失利。追至良鄉爲止。鏖戰激烈地點。則爲長辛店北面三家店地方。各以砲隊轟擊。三十日續戰於南岡窪。直軍敗。奉軍雖勝。師長鄒芬受傷。旅長梁朝棟陣亡。五月一日。奉軍更添輜重隊。掩護砲隊於西山坡。正面不易攻擊。吳下令停止開火。反取退勢。奉軍進逼至房山縣。二日。直軍由砲隊掩護步隊。施側面攻擊。砲中咸實流霰彈。奉漸不支。退守原防陣地。三日。馮玉祥陝軍開到西路。實行包抄計畫。用迂回攻擊法。先以疑軍當前。節節退讓。至琉璃河南岸。馮軍則由良鄉襲蘆溝橋。斷奉軍後路。奉軍潰。四日。奉軍漸向豐台退卻。直軍遂得佔長辛店。及東西獨立村。肅清京漢路線之敵人。此直軍左翼與奉軍右翼血戰

之狀況也。中路直軍。二十八日並無動作。自二十九日始策應左右翼。三十日晚。受奉軍攻圍。讓出固安。堅守白溝河東岸。相持至五月二日。直軍突下總攻擊令。二十三師與二十六師圍合。直撲奉軍陣線。西北自固安起。至東南勝芳止。同時施行極猛力之射擊。三號同時得手。肅清中路奉軍。四號徐向落堡奉軍進逼。此兩軍中部之狀況也。直軍右翼。係吳佩孚親臨火線。與奉軍左翼會戰。當二十八日。京漢路線開火。此方奉軍。即向姚馬渡靜海青縣三路進兵。係張學良指揮一切。用十六生的米突克虜砲衝前鋒。以馬隊爲掩護。直軍死力抵禦。究以器械優劣不敵。爲奉軍進佔大城。直軍則退守任邱。靜侯總帥指揮。佩孚聞報震怒。五月一日晚。由保定河間方面調師一萬。循運河猛攻馬廠。且殺一團長。六營長。以鼓士氣。任邱之張國鎔司令。亦同時向大城之奉軍施行反攻。相持兩

日。奉軍聞中路固安。西路長辛店。失利消息。於三日下午一時。向勝芳退卻。與中路奉軍會合。直軍遂得與中路同進。四日。得據距天津四十里之勝芳。在南之直軍。則由靜海進軍。逼走良王庄楊柳青之奉軍。肅清津浦路線敵軍蹤跡。此直軍右翼與奉軍左翼血戰之狀況也。自二十八日至初四日。相距僅一星期。直軍在戰線者。不過五萬人。能殺退奉軍十二萬餘人。其中實有原因。張景惠久居關內。對於本系之感情。反不若敵系之深。張屬以西路總司令。安肯赴前敵指揮。每日當暮出城。日出則乘汽車返寓。例行其吸烟公事。司令如此懈怠。部屬誰肯勤勞。其第一師係邊防軍改編。長官劉詢。一聞吳名。即驚胆破。敗軍之將。不可與言勇也。鄒芬全部皆繳械投降。效昔年曲同豐之獻刀。靜候裁判。故長辛店一役。因其向豐台退卻。牽動全局。遂至一敗塗地。毅軍王懷慶陸錦輩。表

面似守中立。一聞奉敗。藉口保衛地方。勒令潰兵繳械。綏遠馬福祥。將熱河之汲金純驅逐出境。鮑德山自山海關拍來急電。稱報吳俊陞獨立。杜錫珪海軍登陸。會合趙玉珂。馬福祥。斷吾歸路。張巡閱聞報。急回軍糧城。速作歸計。故前敵將士見主帥退。而亦皆退。於是秩序大亂。完全失敗。張收集殘部。退到灤州駐紮。軍隊傷亡大半。拋棄軍用品無算。在灤佈防抵禦。孰意灤州礦產。乃英商開辦。見張佈防。恐受損失。出爲交涉。請其退兵。不可在礦產範圍以內開戰。只得退守榆關。直軍王承斌帶隊追至疊次猛撲。均難攻入。奉軍用大砲攻擊。直軍傷亡過衆。王承斌無奈。率領各軍退卻。幸彭壽莘援軍趕到。才將奉軍擊退。時英國觀戰團。乃戰艦武官。見雙方死傷過重。出爲調停。直奉雙方。派員至艦議和。當面議好條件。雙方簽字。張巡閱退兵出關。山海關一帶。皆歸直軍。

壤防。趙個誤信葉恭綽以敗爲勝之密訊。在開到中牟樹反對之旗。時吳已令馮玉祥坐鎮洛鄭。以防其反側。不久即爲馮撲滅。及至論功行賞。以馮督豫。以王長直。徐東海見奉張旣敗。特發一滑稽命令。云東三省巡閱使奉天督軍兼省長張作霖。着免本兼各職。聽候查辦。梁士詒。葉恭綽。張弧。均着即行褫職。逮交法庭。依法訊辦。將吳俊陞調署奉天督軍。原來吳爲黑龍江督軍。方吉督鮑貴卿辭職之時。運動吉督者七人。張巡閱想出妙計。將七位軍官。邀到僻靜室內謂之曰。爾等七人。皆有吉督資格。今有一解決方法。爾等共打撲克。誰能勝。就是誰。七人各抖精神。賭博起來。結局孫烈臣大勝。吳俊陞小勝。餘五人皆敗。故孫督吉。而吳督黑。今吳見此命令安敢受而不辭乎。張見免職之電。亦發一通電。申明此次帶兵進關。由徐總統一再電召。又派乃弟世章。與秘書吳笈孫。親

至奉天。面請進兵。所以我不能不服從命令。纔進關開戰。以致人民塗炭。皆由徐氏召來也。用特申明各界。此次禍首。實徐氏主體。徐見此電。恐自己地位動搖。心生一計。謂自古聖王。多以揖讓而有天下。此時既遭人民訾議。不如先自引咎。宣告退位。表明已無名利之心。各省必覆電慰留。那時表裏兼顧。名利雙收。豈非妙計。誰想上天不從人願。各省覆電。並非慰留字樣。乃勸他早退。以便復選總統。而曹吳也來電。催其趕緊下野。徐不得已。下一道命令云。查大總統選舉法第五條。總統因故不能執行職務時。以副總統代理之。又載副總統同時缺位。由國務總理攝行其職務等語。本大總統因病宣告辭職。依法應由總理攝行職務。總理奉到命令。便將各署公務。照常進行。徐乘汽車回到五條胡同本宅。即便回津。每日甚覺無聊。聞某處有一仙壇。甚爲靈驗。能知未來休咎。徐

到品壇。焚香叩首。問是何仙在此。寫出品岩二字。徐問海內崩裂何時重覩昇平。又書尙早了三字。徐又問是何原因。又書魔鬼太多四字。徐曰。誰爲魔鬼。又書閣下爲魔鬼之一。徐神色大變。不敢再問。懷喪而歸。從此戲謔者。呼之爲魔鬼云。

第九章 元首復位黎元洪被劫索印之時代

徐世昌退位。衆閣員討論統一方法。僉謂南北兩政府應同時取消。方是正理。因政府孫文乃護法總統。北政府徐世昌是非法總統。依資格論。前次黎黃陂任期未滿。正宜推他出來復位。極其正當。大家全體贊成。連曹吳來電亦是如此主張。衆閣員同高洪恩赴津勸黎出山。黎再四推辭。誓不就職。衆人一齊回京。各省聞黎不肯就職。紛紛電請吳曹兩使。出爲勸駕。特煩議長王家襄。吳景濂等。重赴天津。細爲勸說。略謂各省與曹吳一致擁戴我公赴京就任。況中

央正副總統皆缺位。按照定法大總統缺位三星期。外國便要干涉。現在舉國人心皇皇。我公以國家人民爲重。勿再推辭。黎公笑道。君等擁戴確是誠意。吳巡閱亦無私見。鄙人素所深知。鄙人愚見。最好舉曹錕收拾北方軍隊。較爲便利。否則直魯豫三省軍餉每月須一百萬。如何籌辦。王吳見他已經心動。遂道某等再當籌商。自有一定計畫。決不令我公爲難。黎公又道。鄙人雖勉強從命。仍須拍電至南政府能否取消協商統一。鄙人另有幾種條件。當再緩緩細商。二人齊問道敢請明示。黎公提筆寫出。二人看到一南北統一。二恢復舊國會。三廢督裁兵。四全國財政須公佈施行。兩人看畢。持條件告辭回京。電告曹吳兩使。吳親赴天津。面見黎公。云數種條件。爲吳某一力擔保。候公到任即宣佈實行。黎聞言方纔應允。黎曉得吳佩孚素抱義憤。兵力又強。不容軍閥橫行。一般武人料不敢

與他反抗。他出來擔保諒日後可以實行。黎公遂收拾一切。預備啓行。忽接浙督盧永祥一道電報。內云接奉徐總統冬電已悉。元首離職赴津。不勝惶惑。大總統對內爲國民公僕。對外爲政府代表。決不容因小數愛憎爲進退。亦不容以個人便利卸責任。雖約法上代理攝行。各有規定。而按諸政治現狀。均有未合。即追溯民國往事。項城既沒。黃陂辭職。河間代任期滿。係在國會解散復辟平亂以後。今則南北分馳。既無副座。復無合法之國務院。乃竟以假借約法之名。頒發命令。不惟無以對國民。試問此種兒戲行動。何以見重於友邦。頃聞有人建議以恢復法統爲言。並請黃陂復職。國文健忘竟有率爾附和。永祥等反覆思維。殊不可解。既主張法統。決不容隨感情選擇。二三武人之議論。固不足變更法律。二三議員之通電更不足代表國會。約法上只有因故去職。或不能供事等語。並無辭

職條件。則當日黃陂辭職自不生法律問題。馮河間爲舊國會選舉合法之副總統。則依法代理應至本任期滿爲止。毫無疑義。大總統選舉法規定任期五年。河間代理期滿。即是黃陂法定任期終了。在法律上成爲公民。早已無位可復。若強爲行之。第一步須認河間爲不法。試問此代理期內之行爲。是否有效。國人決不忍爲此一案再增革命種子。如此則黃陂復位之說。適是非法。以黃陂之德望。若將來依法被選。固我輩所馨香默祝。若此時違法以行。問諸天良有所不忍。黎公看到此處。不肯往下再看。深知盧之用意雖不明明反對。欲於復位一層似覺不甚正當。好在尙未就職。還能可行可止。再說閣員議員等。見此電報。慌得手足無措。速電邀吳佩孚來京解決辦法。吳至京見衆人笑道。盧子嘉性情執拗。平日矯矯不羣。不肯隨聲附和。此時來電。其中定有來意。並非立意反對黃陂。從前舉黃

陂之說。他也來電贊成。至於黃陂所立條件。廢督裁兵一條。盧子
 嘉完全承認。其他更可想而知。我今須速速解決。子嘉既說不合法
 統。我便更換名目重行辦法。此不過一時從權。卻又何妨。大眾聽
 此番議論。甚是佩服。齊問道。尊意有何高明辦法。吳道諸位何其
 愚也。明日會議。先將國家政治情形討論一番。再將目前險象細細
 叙出。擬一長電通告全國。並說明現在中樞乏人。國不可一日無主
 。暫請黃陂入京襄助一切。至於依法應選何人。隨後慢慢再議。此
 電拍到盧永祥處看他如何回復。他如果心以爲然。自當更換口吻。
 衆人皆然其說。便照此意發電。各省固是贊成。連盧永祥也不深究
 。黎見輿論已服。人心大順。各省極力擁戴。各條件有吳擔保。便
 擇定民國十一年陽歷六月二日入京就任。京中人士各界商民懸旗慶
 祝。鼓掌歡迎。奉張亦來電致賀。黎公知張之磊落光明。遂任張爲

東三省善後督辦。權限一如從前。但張自見中央下免職命令。即宣佈獨立。繼之以聯省自治。獨立本難成問題。聯省自治又恐發生國際交涉。千思萬想。乃以保安總司令名義號召。庶個人地位可以穩固。八月二十四號。東三省保安聯合會開幕。各機關各團體各界代表齊來與會。門懸國旗。內結彩棚。極爲壯麗。張作霖親自主席。報告開會宗旨。以次各要人演說。禮成攝影散會。於是扣留火車。截留鹽餘。儼與中央斷絕關係。張之左右武人本分黑山遼陽兩派。及兵敗歸來。又分新舊兩派。如張作相。吳俊陞。孫烈臣。汲金純。馮德麟。閔朝璽。皆張舊日之心腹。此時則大有秋風紈扇之怨。而戰後擢登衽席者。爲李景林。楊宇霆。韓麟春。姜登選。陳興亞。喬漢章等。羣推少帥張學良爲領袖。知從前鬚匪軍隊爲不足用也。大加淘汰另組勁旅。知兵貴精不貴多也。特注重軍人須受教育爲

根本之改造。建設極大規模之武學書局。及講武堂。訓練處等。學良親主其事。亟求兵事。訓練人材。實行施救。擬達到無事時滿地皆民。有事時滿地皆兵之目的。其所拔識之人物。東洋士官留學者最獲優遇。其次則爲曾任陸軍部之諮議差遣。又次爲各地軍官學堂之畢業生。皆得軍官軍佐不等。於是流落上海之黨人。亦均紛紛入奉以謀一飽。是奉不僅爲遁逃藪。亦末路武人之再造地也。且奉張本不識字。然頗好談論古今中外英雄。常以劉立德自負。幕友談鐵隍以善談史記。爲張所拔識。相處既久。偵知張之所好。時裝點其詞以進。張因得略知今古名人。中外事略。非二十年前官僚面目翦匪心腸矣。暇則好閱施公案。彭公案。自稱黃三太。以黃天霸期其子學良。又自比元世祖忽必烈。受創以後。方知從前種種之非計。又聞越王勾踐。臥薪嘗胆故事。頗有動於中。故急於訓練軍備。整

頓財政。以待將來。時機成熟一雪此恥。紙扇上書毋忘國恥四字。以自警惕。奉軍中播爲美談。常語人云。耗二千萬金。買得一絕大教訓。今始明白匪戰與兵戰性質。陣法絕對不同。至開會議時。當場宣言謂予此次大敗。不免丟奉天人面子。要知予此次大敗。全爲張景惠。鄒芬。鮑德山三人。通直所致。苟能生致三人。必處以軍法。至於財政上損失總數二千萬元。奉天不過二百餘萬。其餘爲梁葉公攤。故予回奉天。不覺喪何種元氣。予一日不死。必有報仇之一日也。乃出其私財。擴充東三省兵工廠。趕造軍械子彈。以備軍需。爲厚植勢力計。復與反直派之粵孫。浙盧。結成三角同盟。共以反直爲目的。二次之直奉戰爭。即萌芽於此。嗚呼十年生聚。十年教訓。越之所以報吳。而張以勾踐自命。又以一年爲期。安可限量也。再說直方吳佩孚。每戰皆捷。故有武力萬能之觀念。茲述其

所主張。一洛陽爲發祥地。無論如何不肯拋棄之。二湖北爲長江中心。土地沃饒。仍以庫藏目之。責成蕭耀南籌備餉糈。對於勢難撰制之湯蘊銘。全力拒之。三甘肅必須聯絡。贊成林錫九署理省長。請派學兵三百人至洛。代爲訓練。四與齊燮元雖私交非篤。而爲鞏固長江流域之直系勢力起見。故與曹一致電請協助。五助蔡成勳餉械。促其鎮守江西地盤。勿畏首畏尾。因地方反對而灰心。六聞奉張一意練兵。志在報復。恐其秋高馬肥。叩榆關而外犯。故力主軍隊集中京漢隴海路綫。時時爲作戰準備。七對於四川問題。楊森雖敗至宜昌。將其殘部補足。令第二師師長孫傳芳。爲援川總指揮。與廬金山之十八師。均由楊軍爲嚮導。入川反攻。令甘肅孔繁錦。率巡防隊二十營。出隴上入川。主力軍隊。則責成陝省。以閻治堂爲援川前鋒總司令。率二十師入川。吳新田爲援川左翼司令。率第

七師由興漢入川。旅長羅玉山爲援川右翼司令。自寶雞出兵。旅長王鴻恩爲援川右翼總司令。由廣元進攻。復派七支隊。歸陝參謀吳古岳節制。爲四路援川軍之後援。吳見川軍有三大派。三小派之多。明知寡不敵衆。不免隱憂。但因榆關防務吃緊。不能再調軍隊出發。而亦無可如何矣。自奉方持函赴保修好後。曹亦派員赴奉報聘。張非常優待。曹函中有云。錕因部將一傷芝老。再傷秦晉。今部將翼成。各分歧路。言之甚爲痛心。前奉直失和。誤聽人言。今願重修舊好。共維大局云云。同時又傳張學良秘密至津。晉謁省長王承斌。求王向吳疏通。勸吳勿過予人難堪。以免再起戰禍。生靈塗炭。並求代懇曹使。令吳勿再相逼。王承斌即密電保洛。謂須經此敗。精華損失大半。如再咄咄逼人。難免激成困獸之鬪。無論勝敗有損無益。倒奉方無增兵情事。我軍不妨靜觀其後。再定辦法。吳

有覆電致王。指此係奉方懈我軍心之策。當時孚原思乘勝搗巢。一鼓而下。奈駐保時。曹使信親近之言。疑孚有二心。力主適可而止。孚志氣灰頹。離保返洛。對於曹使希望最高問題之舉動。尤爲反對。曾有中國大局。半未底定。諸事須見機而作。勸左右勿求進太急。否則政客頻來。難以對付。曹使得電。反覺懷疑。遂張國鎔。仍以二十六師還之七師。對於孚之建議。又多所攷慮。使吳有語無從申訴。而彼方利用我內部有事之際。從容佈置。聞已大定。又進一步。行離間惰軍之策。願孝伯爲我陳於曹使之前。諸事勿輕爲人所愚。玉轉達於曹。曹亦恍然。遂以榆關防務全權。委任吳氏。己則仍與奉張周旋。吳受此任命後。乘張福來自岳歸來。孫岳自滬來豫之際。電召灤州之彭壽莘。董政國。軍糧城之唐國青。山海關之蘇石留。豐臺之李宗年。以及張克瑤。靳雲鶚。胡景翼。馮玉祥。

王承斌。蕭耀南。諸人代表。開一聯席會議。對於榆關防範。議有具體辦法。奉張不來反攻最妙。如來反攻。亦首尾呼應。犄角相持。決不致爲人所乘也。總統方面。自復位以來。將近一載。吳所担保之條件。只恢復國會一條實現。南北統一一條。不主張和平。而主張以武力解決。至於廢督裁兵問題。直是與虎謀皮。斷難辦到。黎亦自悔爲彼等所愚。頗不安於其位。而曹使方面。見皖奉兩派。迭次削平。惟有直系稱尊。正可以登造極峯。爲千載一時之遇。更兼一時之攀龍附鳳者。如陸錦。王毓芝。吳毓麟。邊四高五諸人。極力擁戴。各獻奇謀。咸謂必先驅黎。然後選曹。授意於北京軍警要人。如衛戍司令王懷慶。陸軍檢閱使馮玉祥。警察總盡薛之珩。步軍統領聶憲藩等。令其任意向總統索軍警欠餉。無法應付。則以辭職爲要挾。要挾之不足。則以軍警譁變無人負責爲恐嚇。黎素有威

武不屈之胆量。屹屹然與之對抗而不搖。彼等知伎倆已窮。則雇用乞丐團數百名。手執情願驅黎小白旗一面。連日在東廠胡同私邸。包圍呼叫。六月十三日。聞王懷慶馮玉祥定於下午二時。率兵至私邸。強攝總統上車出京。否則生莫大危險。黎暗自思維。日被流氓包圍。異常煩惱。對外交通。一切被阻。軍警壓迫。日甚一日。內閣又無人負擔。財政已極點困難。辭職書交院數月。迄未開會解決。又加此武夫蠻橫。忍無可忍。再不離京。危險殊甚。命陸軍次長金永炎。往東站預備專車。出京時黎二太太在法國醫院養病。將總統印璽五顆帶去。命人告知二太太。將印璽命人送到參議院看管。各事囑託畢。下午一時乘汽車。至車站登車。聲氣痠麻。不見一人。惟有顏惠慶。顧維鈞。孫寶琦。王正廷。彭養光等。相繼而至。與總統握手道別。隨即開車前行。黎與各屬員談笑自若。見沿途禾稼

肥美。草木暢茂。深爲農人慶幸。並謂在京被困。消息不通。今始得吸新鮮空氣。精神爲之一快。顧問福開森。詼諧百出。將抱犢岡中外人士被劫之情形。互相引證。成爲美談。舉座爲之絕倒。三點三刻。車至楊村。忽然停止。見王承斌楊以德。帶領軍士多人。登車云。自津北上迎接總統。黎信之。請同乘車回津。車開後。王向黎殷勤問候。眞所謂口是心非者也。隨問曰。總統來津。此是何故。黎云。實因經費無著。且不堪受流氓之擾騷。交通斷絕。行動不能自由。是以決計出京。王問曾否通電聲明。黎曰。予每日必有一電。均爲電局扣留。故須抵津。再行通電表示。王曰。總統此行極不妥當。中央既無內閣。政治將付誰管。黎曰。予實無力。故逼得出京。予即在京。也不能管。將抵新車站。王曰。本地軍民長官。均在車站歡迎。請總統表示此行之宗旨。並請到省公署休息休息。

車抵新站。軍警密布。不准專門前行。令將車頭摘去。黎命車開往老站。王聲色俱厲曰。不行。吾人既至此。務請總統到省公署發表意見方可。黎曰。請待異日。王曰。總統雖然出京。我等仍承認是總統。應當保護。黎曰。我現在是平民。不勞你等保護。王曰。總統此行。大背民意。危害京城。非去表示一番不可。黎曰。予現在不便去。已數次聲言。然則個人行動之自由權。汝曹亦欲剝奪之乎。予在京。汝曹又不願意。日夕雇用流氓地痞。驅予出京。今既出京矣。又不許我歸家。況我身曾爲元首。汝曹之野蠻若此。尙有法律耶。王語塞。乃將其心中所欲言而未語之言吐出曰。總統出京。印信何在。黎曰。印在北京二太太手中。已命其派員送交參議院。送到否。則不知矣。王曰。予接京電。全無其事。非交出不可。黎曰。予豈謊人哉。予不信。可任意在車搜查。車上各人。皆請王

打電話。晉京查問。王下車。時已五時二十二分矣。黎大公子二公子。及大小姐二小姐。在東站聞總統在新車站被困。乘汽車前來請安。總統向其公子小姐曰。予以効忠國家。受此冤抑。被困在此。倘有差池。汝等須爲父報仇雪恨也。去年因受彼等請求。泣跪並至。挽予復職。今日言猶在耳。彼等竟以野蠻手段待予。既驅予出京。又不許予歸家。此等恥辱。須切記勿忘言盡此矣。公子慷慨應曰。敬聞命。而退。當黎二太太聞命時。即派人送印至參議院。因正副議長均未選出。該院未收。王承斌電問該院。以未收對。王又逼黎下諭。將印另交他人。黎電告二太太。派瞿秘書送交議長王家襄。交畢要取回收據。回電云。王家襄不知去向。秘書廳不敢代收。王命將印交與薛之珩。黎二太太不允。謂此乃違法。總統復與二太太打電話曰。國會既不收印。便可交與薛之珩。現吾在新車站被困

。行動不能自由。交與薛總監便妥。少頃。王接京電云。失去印信一顆。總統云。印只五顆。海陸軍大元帥印。大小各一顆。大總統印大小各一顆。及中華民國之璽之印一顆。餘皆在府內監印處。特王之北京代表。不知大總統有幾顆印。見有小印二顆。就認兩顆爲一顆。自己不明。反怪於人。至八時四十二分。王曰。還是請總統到省公署辦公去。黎曰。印已交付。何又如此。王手持一紙。質問曰。汝既出京。何以又書此函至國會。非要在津行使職權乎。該函曰。本大總統。認目前在京。不能自由行使職權。已於本日移津。特聞。六月十三日。黎曰。汝意何居。王曰。非到省公署不可。黎曰。予要去住。可往公園。或省議會。但去否我有自由權。他人不能干涉。如若逼我。我寧死在車上。王知此乃違法舉動。實不敢爲。黎從晨至今。並未用饜。無何有人送點心至。謂省長送與總統

者。總統謝之。王令在車上。候北京回電。方准放行。十四日上午三時二十七分。接京報告。謂各印均已妥交云云。黎問王尙欲何爲。王派秘書持三電至。請總統簽名。否則仍不放走。黎曰。此種電報。有何用處。非逼簽不可。姑允勉強簽字。三電。是致參衆兩院辭職一電。致國務院辭職一電。又通告京外辭職一電。皆王承斌方面所書者。簽名畢。王登車向總統問病。並謂各事已了。特來送行。時乃十四日上午四時二十三分。東方已白。計被困共十二小時。復我自由。遂得開車至老站。乘汽車回本宅。計自去年六月初二就職。至今年六月十三。日共一年零十二日。

第十章 賄選告成曹錕監禁白宮之時代

黎總統被逐。中樞無人。加以內閣總理張紹曾。因吳佩孚保孫傳芳沈鴻英二人督理閩粵軍務。預備進攻閩粵。強其署名。頒發命令。

張不肯從。被其驅逐逃津。既無總統。又無總理攝行職權。無可如何。衆閣員現組織一統一機關。代理政務。斯時國事。眞同兒戲。直派趁此時機。先運動議長吳景濂。尊超吳大頭。托其賄買兩院議員。投票選曹。每票一張以三千元爲代價。惟必須選出。然後交款。先開某銀行存條。到期再取。各議員見錢眼開。唯唯從命。曹令省長王承斌。籌備大選費百餘萬。王承斌分派各縣。按上中下三等齊攤。縣長派各鄉村正副。向民間挨戶討要。小民敢怒而不敢言。只得典衣鬻產。湊此款項。曹氏將此巨款盡入私囊。及總統選出。議員持存條取款。而某銀行先期倒閉。無處可取。議員纔知受騙。然木已成舟。不能再爲改造。恐一聲張。更不好看。只可吞聲忍受。曹氏自以爲合法總統產出。喜不自勝。以吳佩孚爲直魯豫巡閱使。吳大頭代表閣員議員。親自赴保。歡迎新總統入京。通電就職。

並頒佈憲法以便遵守。浙江盧永祥。首發通電反對。並與中央停止公文往還。以示不認曹爲總統之意。此電一出。態度不明。如黎氏代表金永炎。政學系代表韓玉宸。以及奉天代表。西南代表。一時醫集杭州。加以國會議員南下。集於盧氏勢力範圍之上海。唐紹儀等。所擬組織之政府地點。便注意於杭州。此時表面上大有以浙滬作反直系運動中心地之勢。考滬淞本屬蘇境。昔年袁世凱爲防範馮國璋計。特設護軍使以分其勢。嗣後李純齊燮元督蘇。俱感臥榻之旁。安容他人鼾睡之苦。屢思收回。而莫達目的。楊善德。盧永祥。何豐林。以部屬關係竟割淞滬爲浙有。十一月十日。淞滬警察所長徐國樑被刺事發生。逾一日而死。兇手李達生。自認爲韓恢復仇。而直系則指爲浙方所指使。事既未易証明。兇手亦無結果。而繼任問題。乃惹起雙方之爭執。何豐林委陸榮廷接署。而南京齊燮元

。韓國鈞。則委申振鬪繼任。電文交馳。互相爭執。經各方面之調說而申乃取消。由是蘇浙之惡感日益加深。吳見盧之反對於曹。久欲假手於齊以攻盧。斯時雖楊森已入川。而孫未入閩。沈未入粵。浙之勢力雄厚。恐未能操必勝之權。況一攻浙。而奉必乘機而至也。故欲緩奉必先緩浙。緩浙。則孫可急援閩。沈可急援粵。沈之援粵。而附於粵者無論矣。第論孫之援閩。孫爲王占元舊部。有兵數萬人。其軍頗精悍善戰。而軍紀亦整飭。援川之役。頗爲洛吳所倚重。奉命入閩。適臧致平爲王永泉所敗。被困於廈門。孫氏曾秘密與之聯絡。而未達目的。迨周蔭人驅逐王永泉。復敗臧致平楊化昭於閩南。臧楊移軍由贛走浙。盧永祥收容其軍。於是洛吳四省攻浙之計劃。由此發生。在吳之初心名爲修和東北。實則先收拾東南。今四川與閩已入掌握矣。一面命人攻浙。一面自己禦奉。武力統一

之志願。不難指日而成功。遂決計助兵助械助餉。爲蘇齊幫忙。有某顧問痛哭流涕曰。日前水災徧告。財政困難。地方疾苦。若再興起東南兵禍。是否對於統一確有把握。如有把握。已屬得不償失。倘其未也。公被天下之惡名。而蘇齊得其一逞。爲公計。爲直系計。爲國家計。均萬萬不可。洛吳遂大爲動容。命豫省李濟臣。代爲轉圜。請浙盧遣散臧楊軍隊。浙方覆電。措詞略謂臧楊在閩。分屬國軍。閩贛以十萬之衆。未能翦除。浙爲自身安全計。爲大局合平計。更無遣散之必要云。調解既窮洛吳不得不派兵南下。而請中央下討伐令矣。蘇齊用兵計劃。齊自爲總司令。大本營決駐蘇州。將徐州陳調元軍移蘇。聯合第六師。一面由宜興出太湖攻浙長興。一面由滬甯鐵路向滬淞活動爲一路。南下之北軍。聯合皖軍由徽州廣德攻浙吳興四安爲一路。贛軍由玉山攻浙常山爲一路。另以曹錕駐徐

州。策應蘇皖。以鄂軍移贛爲贛軍後路。閩北軍及馬尾海軍。由衢州竄波圖浙。蘇州自客軍麇集。水秀山明之地。倏變爲兵戈戎馬之場。駐兵地點大都在寶帶橋。下津橋寶珠市等處。因此金閩道上幢幢者。盡屬武夫。閩門外馬路一帶。夙爲歌舞酣戲之場。今則生意蕭條。酒肆茶樓已無人過問。盤門外青陽地。日本租界人滿爲患。房價甚昂。由城遷居該處者。日必數起。稍遲時日。即價增十倍亦不可必得矣。浙方連日開軍事會議。全浙軍備分爲兩路。一爲北路備蘇皖者也。盧自爲總司令。北路之中。又分三路。上海松江方面爲右路。以楊化昭之軍當之。長興合溪方面爲中路。陳樂山之軍當之。泗安方面爲左路。王賓之軍當之。一爲邊防軍。即南路備贛閩者也。張載陽爲總司令。而潘國綱副之。潘將率軍進駐衢州。以取防勢。杭州自大軍調動後。數日之間。離杭之居民已有數萬家。避

難者大多遷往上海。銀根緊急。商業停滯。錢莊提款。只須少數。軍隊出發皖邊。係沿運河而行。封扣民船。不計其數。浙省軍事計劃。至八月二十四日已完全確定。委任第一師長潘國綱爲左路總司令。淞滬護軍使何豐林爲右路總司令。郝國璽爲衢防司令。該省原有四師。又兼馬良等統率之邊防軍。實有八師之衆。奉天代表楊某至杭。攜有大宗現款。接濟要需。而廣州孫文。亦移大本營於韶州。出韶關北伐。其文有云。當與諸軍會師長江。飲馬黃河。以定中原。旣其詞氣雄壯。真不愧爲孫大砲矣。孫以三角同盟故。乃出兵響應。况奉方早存急於復仇之念。以爲時機已至。切實進行。先以非正式之覺書致府曹。略云。江浙風雲。日見真確。北京方面。遣送飛機。復助餉械。司馬昭之心。路人皆知。查今春以來。水患頻仍。災鴻徧野。執政之人罪已不遑。乃不恤民艱。逞己私憤。興師

黷武。民固不堪命。友邦視我當局。皆係喪心病狂。國際地位將益低落。亡國之慘。跋而可待。縱不爲江浙人民計。獨不爲國家前途計乎。軍旅一動。需款至鉅。方今國用匱乏。庫如懸磬。不借外債無以應軍需。舉債用兵則國權必損。倘能將用兵之費移作賑款。各省人民。有不中心向往感盛德者乎。語云天心即民心。我兄失人望而違天意。欲求立足於將來之中國。詎可得哉。弟年來守保境安民之旨。不問時事。但願民得安業。於願已足。江浙之於奉省。更屬風馬牛不相及。惟弟既係國民一分子。又受人民付託之重。爲良心所驅使。不敢默爾而息。敬進忠言。以求亮察。倘我兄上體天心。下察民意。翻然知悔。制止略浙之軍。則弟仍守保安之旨。江浙人民之福亦國家之福也。若不納忠言。必欲黷武以病民。置江浙數千萬人民呼號於不顧。弟不忍坐視人民之水深火熱而不救。惟有武裝

調停。以兵請命。佳兵不祥。民怒難犯。幸我兄實圖利之。此函發後。知府曹必不聽從。隨開軍事會議。結果。由張作霖自任總司令。任命姜登選爲第一路司令。李景林爲第二路司令。吳俊陞爲第三路司令。張學良爲第四路司令。張作相爲第五路司令。許蘭洲爲第六路司令。姜登選率第四第十六二混成旅。担任綏中興城方面防務。李景林率第一師及第五旅。担任喜峯口前線防務。張學良率二十七師及第十九混成旅。防守山海關錦縣等處。許蘭洲率第一第三第十四三混成旅。定名爲游擊隊。担任開魯赤峯方面防務。動員下令各任防務。總數共二十餘萬人。海軍防務。以營口爲根據地。葫蘆島最爲緊要。防備周密。預購鐵甲二艘。担任渤海防務。航空處飛機數目有二百餘架。足以偵探軍情。並足以拋擲炸彈。其軍容可謂盛矣。曹錕因江浙戰事棘手。而奉方軍事又緊。必須統籌全局良策。

。方足以資應付。故於中秋節日分電洛吳津王。即日來京籌商軍務。吳於十七日抵京。各要人到站歡迎。吳着黃色軍服。腰佩銀色軍刀。其面較前稍形清瘦。惟雙目炯炯不減當年英雄豪邁之氣概。下車軍樂大作。吳與歡迎諸人舉手作禮。斯時吳之軍服色舊遠不及曹鎮軍服之鮮明。相形之下優劣自分。旋乘汽車赴國務院四照堂行轅。略爲休息。天明。及顏總理王承斌等。入府見曹。曹笑而言曰。子玉你受累了。吳寒暄畢。即入談正事。完全關於南北戰事。如軍隊之如何支配。軍餉之如何籌措等等。曹又言予老矣。無能爲也。請子玉孝伯兩人攝行大元帥副元帥職權。統籌對付全權辦理。吳王始猶謙讓。繼乃應允。旋即出府。聞其支配軍隊方法。以吳佩孚之第三師。董政國之第九師。王懷慶之第十三師。彭壽莘之十五師。曹鎮之二十六師。王維城之二十三師。靳雲鶚之十四師。閻治堂之

二十師。陝軍胡景翼之一師。外有四混成旅。毅軍二十營。及馮玉祥所部抽撥兩旅。均完全出馬。籌餉問題。承認金佛郎案。已先借七百萬應用。以一百萬付馮玉祥。一百萬付齊燮元。一百萬付王懷慶。下剩四百萬。王克敏交吳支配。吳在洛時。已分電各省。請爲協籌。陝西甘肅各允籌四十萬。山西綏遠各允籌三十萬。直省王承斌猶籌鉅款。爲虎作倀。助桀爲虐。分派大縣五六千。中縣四五千。小縣三四千。不顧小民千瘡萬孔。竭力搜括。以逞吳小鬼之私欲。再由中央預備二千萬現款。方有把握云云。吳主張速下討伐令。並任命各路司令。吳佩孚爲討逆軍總司令。王斌承爲討逆軍副司令。彭壽莘爲第一軍總司令。王懷慶爲第二軍總司令。馮玉祥爲第三軍總司令。其餘援軍司令。後方籌備司令。尙有多名。大兵站設在鄭州。高懸白旗。大書直魯豫巡閱使署。鄭州兵站字樣。站旁饕首堆

積如山。大本營設在灤州。彭壽莘之任務。爲由山海關向綏路攻擊。絕奉軍入關之路。且爲直軍開入奉之要道。設總司令部於山海關。王懷慶之任務。在據朝陽進攻義州及北鎮。爲直軍長驅入奉之先聲。其總司令部即設於朝陽。馮玉祥之任務則有二。一爲據熱河之邊境。以進窺錦西興城等縣。斷在綏中及山海關一帶之奉軍後路。其一則爲進窺義州軍隊之後援。其總司令部先設於喜峯口北之單泉縣。再徐向熱邊遷移。各路軍隊俱奉令出發。獨馮軍以保衛京畿治安爲辭。不肯應命。吳知其必懷異志。密囑胡景翼孫岳二人。暗中監視。如馮有違法舉動。即便宜從事。後經人婉勸。馮亦允爲出發。及通縣派人回京索餉。及至古北口按兵不動。電請懲辦罪魁以謝天下。懲辦之人首爲曹銳。曹聞之大駭。吳雖盛怒。而亦無如馮何。正在爲難之時。忽來一通電。披閱之餘。如聞青天霹靂。驚恐異常。

。發電之人爲誰。即蟄伏津門反直派之首領段祺瑞也。原來浙盧奉張。皆惟段之馬首是瞻。曹既兩發明令以討伐盧張。故段亦發一討曹之電而禡其魄。而驚其魂。其文曰。頃讀盧張總司令先後通電。痛國事日非。生靈塗炭。維持拯救用全力以盡職責。壯哉言乎。善哉言乎。年來政治。目不甚睹。耳不忍聞。上林已作污穢之場。中樞儼成贓私之肆。不知國家人民爲何物。禮義廉恥爲何事。憑逆取之勢。無順守之能。佞倖弄權。荒淫無度。甚且盜國肥己。損逾萬萬。得纔百千。亦忍爲之。如德法債票之類是也。擁兵自衛。國困民窮。官吏日夜奉職。室家無以自存。軍警風雨戒備。一身不獲溫飽。夫爲國者。不患寡而患不均。不均之弊。極於此矣。外交懸案至百餘起。到期外債整理無方。墮國際之信用。近來四鄰之責言。重以構兵連年。南服已無完土。雨暘失候。中原殆徧災禱。宜如何修

省。與民休息。乃當此凶荒。復令四省攻浙。排除異己。連累無辜。貪一己之尊榮。造彌天之罪孽。倒行至此。豈能倖存。夫剝極必復。易理昭然。伐罪弔民。春秋大義。嚮之爲彼供奔走效馳驅者。迫於威勢。拘於情誼。困於衣食。非得已也。況其昏庸猜刻。卽心腹股肱之寄。藏弓烹狗。亦屬數見不鮮。識時務者。固已內斷於心。蓄遠志者。亦當奮袂而起。海內賢豪。並時袍澤。必能當仁不讓。見義勇爲。著劉理之先鞭。效范滂之攬轡。出民水火。勿任淪胥。迫切陳詞。不盡百一。段祺瑞九月發電。二人闕罷。半响無言。尋議定密電在津心復。嚴拿段祺瑞。及其門下張樹元等。並將其電線割斷。以防其與奉浙通謀。催促前敵將士急於開火。滅奉而朝食。以洩我心頭之恨。前線將士聞命進攻。奉方亦力爲抵禦。不過小小接觸。無甚勝負。一日張作霖正議軍情。忽見盧永祥踉蹌而至。驚

惶恐。一日有一炸彈。正在吳使車旁落下。幸而未炸。吳使安然無恙。吳因此驚。移居兵艦之中。遂下總攻擊令。向前猛攻。奉軍退守九門口。此處險峻無比。兩旁俱是石壁千仞。惟中間一路。可以通行。奉軍扼住山頭。吳派得力軍隊前去衝鋒。奉軍不慌不忙。用槍砲擊射。前撲後繼。一擁齊上。方欲得手。張學良援軍忽至。將直軍擊退。如此者數次。直軍傷亡過衆。第三師素稱勁旅。死去大半。連日又在角山寺。二郎廟等處。猛力激戰。雙方死者俱有數萬。傷亡不在其內。吳見軍事棘手。有旅長馮玉榮。因兵敗自戕斃命。特又梟首示衆。以爲敗退者戒。在吳之初心。以爲彼等皆烏合之衆。雖有數十萬亦不足爲慮。豈知奉自前次戰敗。軍官半多更換。兵士勤加訓練。此次出兵。軍官皆有軍事智識。兵士胥受軍事教育。三年有成。迥非從前者比。雖吳有小諸葛之稱。而張以漢張良自

命。雖吳名爲長勝。而張亦志切復仇。此以強攻。彼以強禦。二人正在鬪力鬪智之中。馮玉祥知吳已赴前綫。遂與胡景翼。孫岳。班師回京。在外面傳聞。謂馮受某方運動。餌以重利。縻以好爵。豈知馮與曹吳其惡感已非一日。入湘入陝之得力於馮者無論矣。即直奉初次戰爭。非有馮軍吳其混乎。旋又至豫逐趙。厥功甚偉。即酬以豫督一席。誰曰非宜。乃攝篆一月。忽奪以給張。調赴京師。另議酬庸之典。又以熱察綏巡閱任王懷慶。僅以陸軍檢閱名目任馮。馮於此時。檢無可檢。閱無可閱。有虛銜而無實地。心非木石有不怦然動乎。然後歎吳之待人也。多涼德。而吳之居心也。純乎冷血矣。猶有進者。去年曹覲極高地位。苦於無缺可陞。驅黎之功。半有馮氏之攘臂。及曹遂其所大欲。絕不聞伯樂一顧。使駿馬仰首而長嘶。可知曹之與吳。皆爲忘恩食義之人。馮此次再爲助力。仍是

狼銜肉則狗食。鵠有巢則鳩居。况戰端一開。兵連禍結。何日能覩和平也。即繳幸成功。而高鳥已盡。則良弓必藏。狡兔已死。則走狗必烹。後雖悔之不可及也。故馮決計回京。將曹吳之勢力根本剷除。時局便可從根本解決。一轉移間。和平不難立見。馮向胡孫徵求意見。胡與孫皆抱和平宗旨者。遂背吳從馮。取一致之行動。同率全軍回京。入地安門。出天安門。駐紮南苑西苑及天壇一帶。將交通機關用兵把守。曹聞信即逃入荷蘭使館。馮王諸人至使館將曹陪回。告之曰。吾等非害汝也。實保汝之生命耳。既保汝之生命。汝亦當保萬民之生命。吳佩孚窮兵黷武。塗炭生靈。非死於鋒鏑。即死於流離。自問天良。何忍出此。可速下令停戰。與吳佩孚免戰。庶可以大快人心。曹頗爲感動。樂爲聽從。隨即頒布命令。俯順輿情。吳在前綫聞信帶軍隊回津。命曹錕調馬廠之二十六師。意

欲進攻北京。在天津行使大總統職權。將李榮殿。楊以德。加官進爵。令商會籌備兵餉。以應軍需。遂有特別房捐名目。收四個月房捐。限七日交到。違令罰辦。時張宗昌在冷口進兵。佔據灤州。拊直軍之背。直軍在灤河之東者。尙有十餘萬人。一聞大本營已失。無從接濟。或繳械而投誠。或荷槍而遠遁。或從陸路逃生。或乘輪船逃命。一聞如鳥獸散。上級軍官多不免被擒。奉軍入關。佔秦皇島。又向灤州進發。且說吳佩孚在車站駐紮。外國領事以辛丑條約具在。天津二十里內不得屯兵。出而與之交涉。吳不得已。進兵楊村。與胡軍相距不遠。今年大水爲災。鐵路兩旁皆水。胡軍於夜間渡水繞到直軍之後。兩路夾攻。直軍死傷大半。殘喘少數。餘兵奔回天津車站。吳見至大怒。猶手斬一軍官以示衆。斯時也。吳如籠中之鳥。網內之魚。段若擒吳。不費縛鷄之力。而段寬洪天度。不記

前仇。吾於是服段之過人遠矣。然而吳自籌思。欲由京漢回洛。恐豐台駐兵不能通過。欲由津浦赴徐。聞山東中立。不讓前行。只得乘輪赴滬。作海上之逋逃。搜刮天津現款。相傳有二百萬元。席捲而奔。嗚呼。當其北上之時。各界歡迎何等榮耀。未及一月。而兩千餘萬餉。揮擲一空。二十餘萬兵。死亡殆盡。只餘蹙蹙一獨夫。稍有天良。何顏見江東父老也。於夏歷十月初三日離津。滿天之慘霧愁雲。忽然開霽。東北戰事。至此告一結束。府曹自坐困白宮。外無所援。內無所助。亦自謂早知今日。悔不當初。遂送辭呈於國務院。引咎罪己以謝天下。於陽歷十月三十日。宣布辭職退位。即日下台。計自去年十月十日就職。共一年另二十日。此所謂中華之五總統也。計其開幕所演之戲。有二十餘齣焉。袁之應召出山者。則爲三顧茅廬。其於漢口停戰也。則爲南北和。其爲中華總統也。

則爲受禪台。其捕捉民黨也。則爲黨人碑。其暗殺宋教仁也。則爲審刺客。其逐去黃興也。則爲取金陵。其製造洪憲也。則爲大登殿。其攻打雲南也。則爲戰蔡陽。其龍馭上賓也。則爲白帝城託孤。黎之武昌起義也。則爲漢津口。其當張勳復辟也。則爲二進宮。其當馬廠誓師也。則爲馬芳困城。其於赴津被劫也。則爲逍遙津。其遇王承斌索印也。則爲取帥印。馮之命攻湘南也。則爲戰長沙。其爭下屆總統也。則爲雙搖會。徐之挑釁直皖也。則爲哪叱鬧海。曹之乞丐驅黎也。則爲白逼宮。其四省攻浙也。則爲打崑山。其布防禦奉也。則爲山海關。其爲馮所困也。則爲紅逼宮。每演一齣。眞是有聲有色。有武有文。均爲譚鑫培。楊小樓輩所不及。那得不令人擊節喝采。今甫閉幕停演。吾亦深自慰曰。觀止矣。若有他戲吾不敢請已。雖然。以中華舞臺生意之發達。具周郎顧然之癖者。大

有人在也。現今障礙物去。統一功成。全國人民。一致擁戴老登台主持國是。而大孫北上。老張西來。擬開一元老會議。以爲解決時局之方。是又聘請南北之超等藝員。成一混合名班。高掛招牌曰。擇吉開演。



